



pngelectionprinting.com

POSTERS BANNERS CARDS A-FRAMES FLYERS CAR STICKERS CORFLUTE SIGNS

THEODIST LTD
THE STATIONERY SUPERMARKET



The Catholic Reporter

P9, 10, 19 na 20

Ol Manam lida laik gavman i makim MRA bod hariap



Ol pipel bilong ples Zogari long Manam Ailan, nau i stap klostu 12-pela yia long nambis bilong Potsdam long Yawar LLG, Bogia Distrik. Ol i soim hia wanpela IDP plen bilong ol, we ol i bin laik givim long gavman long las yia. I no gat helpim i kamap yet inap nau. *Poto: fesbuk.*

Frieda Sila Kana i raitim

OL lida bilong Manam Komyuniti long Pot Mosbi, anit long Manam Pipel Sustenebol Developmen Asosiesen i bungim maus wantaim ol lida bilong ples na autim bel na tingting bilong ol long gavman i mas hariap long makim Manam Resetelmen Atoriti Bod.

Ol i wari long K10 milien we gavman bilong Peter O'Neill i makim nogut bai lus.

Mausman bilong ol pipel bilong Manam Ailan long Pot Mosbi na Siaman bilong Manam Pipel Saustenebol Developmen Asosiesen, Henry Konaka i bin tokaut long wanpela midia konprens long Tunde dispela wik olsem ol lidaman i makim ol 12,000 o moa pipel bilong Manam i bin kam long wiken i go pinis long paitim toktok long hevi bilong ol pipel.

Foapela lida husat i bin kam long Pot Mosbi em, Siaman bilong Kaunsil ov Sif o Kukurai bilong Manam, Willie Rupunae, Presiden bilong labu Lokal Level Gavman, Martin Ururu, man i makim Manam Komyuniti long Lae, Lucas Kintau na wanpela lida bilong ples, Bruce Sila i bin

kamap long Pot Mosbi long bung wantaim ol Manam Komyuniti long Pot Mosbi.

Ol dispela lidaman i raitim pinis wanpela pas long kisim i go long gavman long autim ol dispela bikpela tingting long gavman bai skelim: 1. Longpela taim tumas long kamapim MRA Bod, 2. Longpela taim tumas long makim Sif

I go moa long pes 3...

Nambawan Super

9 pesen i go long ol memba.

Sapliment

P13,14,15 na 16

NRL ROUND 5

31st March 2017 at 1300 Smiles Stadium, Townsville

COWBOYS V **RABBITOHS**

Convenient direct flight service to Townsville

FROM K2,765

PER PERSON / TWIN SHARE

3 Nights package includes:

- Return airport transfers
- Return airfares Port Moresby to Townsville
- 3 nights accommodation
- Full buffet breakfast in Celsius restaurant
- Return transfers from hotel to stadium
- Game ticket
- All travel taxes and surcharges

Air Niugini Call Toll Free on **180 2121**
www.airniugini.com.pg for more information.

* Strict conditions apply. Valid for 31 March to 2 April 2017 only.

Dadae: Yumi olgeta mas wokbung

GAVANA Jeneral Bob Dadae i tokim ol wok manmeri long Gavman Haus olsem wok bilong Gavman Haus em i no wok bilong em tasol.

Mista Dadae i tok olgeta manmeri imas mekim wok na sapotim wanpela na narapela taim ol i laik mekim wok long gavman haus.

Mista Dadae i mekim dispela toktok long Mande long dispela wik

taim em i laik opim Gavman Haus Kristen Felosip.

Gavman Haus Kristen Felosip em i wanpela felosip o bung lotu bilong ol wok manmeri long Gavman Haus.

Dispela felosip i save kamap long olgeta Mande moning long Gavman Haus long Konedobu.

Gavana Jeneral bipo Sir Paulias Matane i bin statim dispela bung lotu bilong ol wok manmeri

bilong Gavman Haus ibin statim dispela felosip

Mista Dadae, husat i stat wok long las wik, i tok lotu em i namba wan samting.

Em i tok pasin bilong lotu em i wanpela bikpela wok tu we Gavman Haus i nidim long bringim gutpela samting i kam long dispela kantri.

"I gat planti wok i stap long Gavman Haus. Lotu em i wanpela wok we

yumi olgeta i mas wokbung long mekim," Mista Dadae i tok.

Mista Dadae i wanbel long ol wok manmeri bilong Gavman Haus i putim Papa God i go pas laip na wok bilong ol.

Em i askim ol manmeri long wokbung aninit long pasin bilong bung wanpela na wanbel pasin.

Mista Dadae i wanbel long ol wok manmeri i redi long wok wantaim em.



Gavana Jeneral Bob Dadae i sekan wantaim ol wok manmeri bilong Gavman Haus.

Olgeta wok manmeri i nambawan

OLGETA wok manmeri bilong Gavman Haus i namba wan bikos wok ol i save mekim em i namba wan.

Dispela em i toktok i kam long Hannah Dadae, meri bilong Gavana Jeneral Bob Dadae.

Misis Dadae i tok ol wok manmeri bilong gavman haus i save mekim nambawan wok na, taim ol i putim wok bilong ol i go long han bilong Papa God, wok bai kamap gut.

Misis Dadae i mekim dispela toktok long Mande long dispela wik taim Mista Dadae i opim Gavman Haus Kristen Felosip bilong yia 2017.

Misis Dadae i tok taim ol i bung olsem, wan wan wok manmeri bai luksave long wanem wok ol i save mekim long larim Gavman Haus i stap gut na wok i kamap isi.

"Wan wan wok manmeri bilong Gavman Haus em i nambawan. Dispela opis bilong Gavana Jeneral em i nambawan opis na wok yupela i save mekim em i nambawan.

"Stat long ol wok manmeri husat i save wok long gaden na pinis long Gavana Jeneral em yet, yumi olgeta i mekim nambawan wok," Misis Dadae i tok.

Em i tok sapos ol lain bilong

klinim plaua gaden i no stap, ausait gaden na ol plaua bai no inap gro gut na stap gut.

"Dispela bai no inap mekim ples i luk gut long ol arapela bikpela manmeri husat bai kam long hia. Sapos ol lain bilong kukim na stretim kaikai i no stap, bai yumi kisim kaikai long we?," Misis Dadae i tok.

Em i tokim ol wok manmeri long i no ken daunim ol yet bikos ol i save mekim nambawan wok long larim Gavman Haus i stap gut.

"Sapos yupela i no givim sapot long mitupela, bai mitupela i no inap long mekim gut wok bilong mitupela," Misis Dadae i tok.

Gavana Jeneral sori long Sir Manasupe i dai

GAVANA Jeneral Bob Dadae i salim tok sori bilong em i go long Sir Manasupe Zurenuoc i dai.

Sir Manasupe Zurenuoc em i pastaim Sif Seketeri bilong Gavman na em i bin risain long yia 2015 taim em i sik long Pakingsons Disis.

Em i lusim wok na Isaac Lupari i kamap Sif Seketeri bilong Gavman.

Sir Manasupe i dai long Mande moning long Lae bihain long em i bin kisim dispela sik.

Mista Dadae i tok Sir Manasupe em i wanpela long taim wokman bilong gavman.

Em i bin wok olsem Provinsal Edministreta bi-

long Morobe Provins long planti yia.

Praim Minista Peter O'Neill i bin makim em i kamap Sif Seketeri bilong Gavman long yia 2011 i kam inap em i sik na lusim wok long yia 2015.

"Mi sori long harim olsem Sir Manasupe i dai. Mipela i bin save olsem em i bin sik na stap, tasol dai bilong em i mekim mi kirap nogut.

"Em i bin wok olsem pablik sevan long planti yia. Planti manmeri i save laikim pasin bilong em bikos em i wanpela man bilong daunim em yet na sevim gavman wantaim gutpela tingting.

"Gutpela pasin bilong

em na gutpela tingting bilong em long wok stret i mekim gavman i luksave long em," Mista Dadae i tok.

Sir Manasupe i bin holim ol bikpela wok long pablik sevis olsem Seketeri bilong Morobe Provinsal Gavman, Provinsal Edministreta bilong Morobe Provins, Seketeri bilong Provinsal Afes na Sif Seketeri.

"Long lukluk bilong mi yet, Sir Manasupe em i no man bilong toktok planti tasol em i man bilong mekim samting stret. Kantri lusim wanpela gutpela man," Mista Dadae i tok.

Mista Dadae i makim

maus bilong famili bilong em na salim tok sori i go long meri bilong Sir Manasupe, Ledi Josephine, ol pikinini na ol lain bilong Sir Manasupe.

"Mi salim tok sori i go long brata bilong Sir Manasupe na Palamen Spika Theodore Zurenuoc na long ol pipel bilong Finnschaffan. Bel isi bilong Papa God i ken stap wantaim yupela long dispela taim bilong sori," Mista Dadae i tok.

Kwin bilong Ingran na Komonwelt, Kwin Elizabeth II, i bin luksave long pablik sevis wok bilong em na em i givim em taitel Sir long yia 2015.

Praim Minista tok sori long Hau'ofa

PRAIM Minista Peter O'Neill i tok sori long wanpela biknem man long redio, Roger Hau'ofa, husat i dai long las wik.

Mista Hau'ofa, husat i save toktok long FM 100 Tok Bek So, i bin sik na i dai long las wiken.

Em i dai long Sarere nait long lare viles long Kairuku-Hiri distrik, Sentral Provins.

Mista O'Neill i salim tok sori i go long famili na lain bilong Mista Hau'ofa.

"PNG i save harim nek bilong Roger Hau'ofa long redi tok bek so long 30 yia olgeta na mipela bai no moa harim nek bilong em," Mista O'Neill i tok.

Gavana Jeneral Bob Dadae tu i salim tok sori i go long famili na lain bilong Mista Hau'ofa.

Mista Dadae i tok Mista Hau'ofa em i wanpela biknem redio man long kantri na em i wok long redio long moa long 50 yia.

"Em i save promotim demokrasi

na fridom bilong toktok we Mama Lo bilong kantri i toktok long en," Mista Dadae i tok.

Media Kaunsil I bilong PNG i salim bikpela tok sori tu i go long famili na lain bilong Mista Hau'ofa.

Presiden Alexander Rheeney i tok Mista Hau'ofa i save mekim gutpela wok long redio taim em i save askim ol lida long toktok long sampel bilong bikpela samting i kamap long kantri.

"Dispela nem Roger Hau'ofa em i

nem we PNG i save. Mista Hau'ofa i save gut long wanem ol bikpela samting kantri i wok long bungim, na em i save askim.

Mista Rheeney i tok Mista Hau'ofa i save toktok gut wantaim ol lain husat i ringim em long redio tok bek so long FM 100.

"Na em i no man bilong pret long ol lida. Em i save askim ol stret. Wanem kain samting ol pipel i laikim, Roger i save askim stret ol lida," Mista Rheeney i tok.



Wasa Rice 200g
Em Skel Ya
 GROWN FOR THE PEOPLE OF PNG

O'Neill sori long Sir Manasupe

PRAIM Minista Peter O'Neill i sori tru long harim olsem pastaim Sif Seketeri bilong Gavman, Sir Manasupe Zurenuoc, i dai.

Mista O'Neill i salim tok sori bilong em i go long Zurenuoc famili na ol lain bilong Sir Manasupe long Finschaffan, Morobe Provins.

Sir Manasupe i dai long sik Parkingsons Disis. Em i bin kisim dispela sik long yia 2015 na dispela sik tasol i mekim em i hat long mekim wok na em i bin risain.

Sir Manasupe i dai long Lae long dispela wik Mande moning.

Praim Minista O'Neill i bin luksave long gutpela wok Sir Manasupe i bin wokim long sevim gavman na em i bin promotim em i kamap Sif Seketeri bilong Gavman taim em i kamapim nupela gavman long yia 2011.

Sir Manasupe i bin stap Sif Seketeri bilong Gavman aninit long O'Neill-Dion Gavman i kam inap yia 2015 we em i bin painim sik na em i lusim wok.

Mista O'Neill i tok ol pablik sevan i mas bihainim pasin bilong Sir Manasupe.

"Mi sori long em I long dai. Em i wanpela trupela lida, em i save wok stret, em i no save asua long wanpela samting.

"Em i hat long painim wanpela man olsem em. Mi laik salensim ol pablik sevan long kamap olsem em," Mista O'Neill i tok.

Taim Sir Manasupe i bin risain, Mista O'Neill i bin opim nupela bilding long Waigani we bipo ol isave kolim Painepol Bilding.

Long luksave long wok em i bin mekim long sevim gavman, Mista O'Neill i senisim nem bilong dispela bilding i kamap Sir Manasupe Haus.

Long wankain taim, Gavana bilong Nu Ailan, Sir Julius Chan, i sori long harim olsem pastaim Sif Seketeri bilong Gavman, Sir Manasupe Zurenuoc, i dai.

Sir Julius i tok Sir Manasupe i bin sevim gavman long planti yia na em i save mekim wok gut tru wantaim pasin bilong bel isi na stretpela tingting.

Em i tok Sir Manasupe i save wok gut na wok bilong em i save karim gutpela kaikai.

"Mi makim maus bilong famili bilong mi na pipel bilong Nu Ailan long salim tok sori i go long meri, pikinini, famili na wan lain bilong Sir Manasupe," Sir Julius i tok.

Trukai rais daunim prais long 2017

TRUKAI i daunim prais bilong ol rais prodak long dispela yia.

Taim kantri i wok long bungim hat taim long ikonomi, Trukai i save olsem laip bilong planti famili long kantri bai no inap stap gut sapos prais bilong rais i go antap.

Sif Eksektiv Opisa (CEO) bilong Trukai Industries Limited, Greg Worthington-Eyre, i tok ol i

daunim 14 pesen bilong 10kg Trukai Midium Grein, Trukai Braun Rais, Trukai Jasmine Rais, na Trukai Ruts Rais.

Mista Worthington-Eyre i tok stat long Disemba 2016, ol i daunim 14 pesen bilong prais bilong ol 10 kg bek rais bilong dispela 4-pela rais prodak.

"Planti manmeri i wanbel long mipela i daunim prais bikos nam-

bawan kaikai bilong ol," em i tok.

Long dispela as, Mista Worthington-Eyre i tok ol bai daunim prais na larim prais i stap olsem yet.

Mista Worthington-Eyre i tok kwaliti bilong rais insait long bek i no senis. "Insait em i wankain tasol. Mipela i no daunim kwaliti bilong rais. Teis na olgeta samting bai wankain.

"Mipela i daunim prais bikos mipela i sori long ol famili long PNG. Planti manmeri i save kaikai rais bilong mipela.

"Taim ikonomi bilong kantri i go daun, mipela i save olsem planti famili bai kisim taim.

"Mipela i daunim prais long helpim pipel," Mista Worthington-Eyre i tok.

Ol Manam lida laik gavman i makim MRA bod hariap

I kam long pes 1..

Eksektiv Opisa (CEO) bilong MRA; 3. Kamapim ol Lo bilong MRA; 4. I no gat wanpela Risetelmen Program Disain na Plening i stap.

Bihain long Manam Ailan maunten paia i bin pairap na bagarapim olgeta hap bilong ailan long yia 2004, samting olsem 10,000 i go 12,000 man, meri na pikinini i bin lusim ailan na i go sindaun long graun bilong ol bikples nau inap long 13 yia olgeta.

Long yia 2016 Me Nesenek Eksektiv Kaunsil i bin givim tok orait long kamapim Manam Risetelmen Atoriti (MRA), na long toktok bilong Mista Konaka na ol lida bilong ol pipel, Provinsal Eksektiv Kaunsil em i gat wok long kamapim dispela bod na bihain kisim tok orait gen long Nesenek Eksektiv Kaunsil, tasol i kam inap nau dispela i no kamap yet.

Long 2016 Septemba, ol Manam lida i bin singautim wanpela bung miting bilong ol lida bilong ples wantiam Provinsal Gavman long lukluk stretim dispela hevi tasol Madang Provinsal Gavman Eksektiv Kaunsil i bin salim tasol Kodineta bilong Manam Rilif Projek na tu em i no



Willie Rupunae, Siaman bilong ol Kaunsil ov Sif bilong Manam Ailan i toktok long ol Manam komyuniti long Pot Mosbi, long Sarere Mas 5 long Gerehu. Foto: Frieda Sila Kana.

stap long pinisim gut miting.

Nau yet sindaun bilong ol pipel bilong Manam i no senis. Ol haus sik i no gat marasin, ol Ke Senta i no gat kaikai, wara, na ol matiriel bilong wokim ol nupela haus. Ol i no inap long wokim gaden long graun bilong ol asples lain, na tu i no gat rot long ol i wokim sampela ikonomik wok bilong painim mani.

Planti pikinini husat inap long go long ol bikpela skul olsem ol yunivesiti na koles i stap nating long ples bikos i no gat mani long baim skul fi bilong ol.

Presiden bilong labu LLG, Martin Ururu i tok em i kisim planti askim long ol papamama bilong ol sumatin na long ol yia i go em i bin helpim sampela i go long

yunivesiti na ol koles tasol long dispela yia em i hat long mekim bikos i no gat moa mani i stap long LLG akaun.

"Mani i kam long Distrik Sevis Impruvmen Program (DSIP) em lo i no larim mi long yusim long baim ol skul fi, olsem na mi no gat rot nau long helpim ol sumatin," Mista Ururu i tok.



BSP PERSONAL LOAN

Visit your nearest **BSP Branch** today to apply.

- ✓ 100% unsecured loan
- ✓ Flexible repayment terms
- ✓ Loan up to K50,000
- ✓ Quick approval

Back to School is easy with a **BSP Personal Loan**

WE ARE **BSP**

www.bsp.com.pg



Gamato: Kandidate mas bihainim lo long taim bilong kempen

Paul Zuvani i raitim



Gamato

PAPUA Niugini Ilektoral Komisn (PNGEC) i putim tok save long ol lo kandidate i mas bihainim long de bilong kempen.

Dispela ol lo em olsem ol kandidate i mas bihainim lo bilong kantri, bilong PNGEC na bilong Ogenik Lo bilong Politikal Pati na Kandidate (OLLIPAC) bipo na bihainim taim bilong ileksen.

Ol i no ken givim presen, mani o ol narapea samting long grisim ol manmeri long votim ol long ileksen.

Ol i no ken sanapim ol haus bilong kempen long ol komyuniti.

Ol kandidate i no ken yusim ol samting bilong gavman olsem kar, mani, pepa

olsem ol i ken votim ol.

Ol i mas ripot hariap i go long EC sapos wanpela sapota bilong kandidate i brukim gavman, EC o OLLIPAC.

Bihainim polisi bilong em, wanpela kandidate i no ken daunim narapea kandidate bikos wok bilong em i no gutpela.

Ol i no ken kamapim ol blok vot we dispela i brukim spirit bilong sikret (hait) vot.

Ol kandidate i no ken stilim vot bilong narapea na mekim olsem vot bilong ol.

Ol i no ken grisim ol poling opisa olsem ol bai mekim samting long kandidate i ken win na i lukim ileksen i no ran stret.

Ol i no ken paulim enrolmen, poling, kaunim wok

tasol mas ripot hariap taim wanpela i lukim paul pasin i kamap.

Promotim na stap insait long kempen we tok pait bilong tingting na polisi i kamap.

Kandidate i mas redi na wanbel long mak em i kamap long em bihainim long vot na i mas askim ol sapotim long mekim wankain na i no ken kros na bagarapim ol samting. Em i mas go long kot bilong dispiuted riten taim em i lukim ol i brukim lo long taim bilong vot.

Sapos kandidate win em i mas go bek long komyuniti, ripot na kamapim ol wok long ilektoret na kamapim wok long olgeta komyuniti, maski sapos wanpela komyuniti i no givim sapot.

Midia opisa kisim ileksen woksop

Paul Zuvani i raitim

PAPUA Niugini Ilektoral Komisn (PNGEC) i holim media woksop bilong ol ripota long Pot Mosbi dispela wik na narapea wik.

Dispela woksop we i kamap long 16-Mail, Sogeri Rot i bilong helpim ol ripota long save long pasin bilong ripot long ol tok bilong ileksen.

I gat tupela grup bilong woksop, namba wan grup em ol ripota bilong Nesenel Brodkasting Komisn (NBC) we ol i stat long Mande na pinis long aste Trinde.

Namba tu grup em ol ripota bilong ol arapela midia oganaisesen olsem Pos Kuria (Post-Courier), National Niuspepa, EMTV, Wantok Niuspepa, TV Wan, FM 100, PNG FM, FM Central na arapela moa.

Namba tu grup bai stat long Mande 13 Mas na pinis long 15 Mas.

I luk olsem dispela i namba wan taim PNGEC i ranim kain woksop olsem.

Ol woksop bilong bipo em PNG Midia Kaunsel i save bung wantaim AusAID long ranim.

Arere long ol ripota Komisn i holim tu woksop

bilong ol opisa bilong em.

Las wik em i ranim wan wik woksop bilong ol ileksen menesa na asisten menesa bilong ol long Kokopo, Is Nu Britan.

Sif Seketeri Isaac Lupari na PNG Ilektoral Komisina Patilias Gamato i opim dispela woksop.

Gamato i givim tok lukaut i go long ol ileksen opisa long ol i mas wok gut long 2017 ileksen.

"Mi laik lukim senis long tingting na wok bilong yumi long taim bilong ileksen long yumi lukim gutpela ileksen," em i tok.

"Mi askim yupela ol ilkesen menesa na asisten ileksen menesa long menesim na kamapim gutpela nesinel ileksen long 2017.

"Hevi bilong kos bilong kamapim ileksen i go antap i mas pinis."

Em i tok hevi bilong kos bilong ol samting, frod (fraud), vailens na kros pait i no gutpela nius na i no ken kamap.

Em i askim ol opisa long stap longwe long ol pasin we inap bagarapim ol wok bilong ileksen.

Em i tok em bai ripot long polis sapos wanpela opisa i asua long taim bilong ileksen.

Meri kisim trening long wok politik



(Long lep han) Olushola Ismail, UN mausman, Dokta Alphonse Gelu, Anna Solomon, Kala Aufa, Koffi Kouame na Julie Bukikun, UNDP maus meri. Foto: Paul Zuvani

Paul Zuvani i raitim

OL 50 meri i bin kamap long wan wik woksop long lainim wok bilong kamap politisen na lida long Pot Mosbi long dispela wik.

Yunaitet Nesen Development Program (UNDP) i go pas long dispela woksop we i bin stat long Tunde na bai pinis long neks wik Mande.

Namel long 200 meri husat i bin aplai dispela 50 meri tasol i winim ples long kamap long woksop.

Woksop i kamap bilong trenim ol meri long stap na wok olsem lida, long bipo long ileksen na sapos ol i win i wok olsem polilik lida o sapos i lus ol i ken go het yet long soim pasin bilong lida long komyuniti bilong ol yet.

Dokta Alphonse Gelu, rejistra bilong Politikal Pati, Kala Aufa, Ekting Klak bilong Palamen, Anna Solomon, Seketeri bilong Dipatmen bilong Komyuniti Development na Relijin na Koffi Kouame, UN mausman i kamap na givim toktok long opim dispela woksop.

Dokta Gelu i tok opis bilong Yunaitet Nesen i mekim isi na gutpela long ol meri i ken save long wok bilong lida na stap wok olsem politisen.

"Wan wan ol manmeri husat i winim ileksen na stap insait long Palamen i kam long kain kain hap we planti bilong ol i no save tru mining bilong stap olsem lida manmeri," em i tok.

"Long wanpela i stap strongpela lida manmeri long makim ol pipel bilong em, i gat tupela samting wanpela i mas save long em. "Namba wan samting em wanpela i mas save long Mama Lo na namba tu samting em wanpela i mas save long Palamen na wei em i wok."

Ekting Klak bilong Palamen Aufa i welkamim ol meri na i strongim tingting bilong ol long ol i mas kisim ol skul tok long ol opisa bilong em long ol lida manmeri i mas wok taim ol i win na stap insait long Palamen. "Nesenel Palamen i ples we wanpela i mas soim

demokratik rait bilong stap memba na makim laik bilong ol manmeri husat i votim em na kantri wantaim," em i tok.

"I gutpela long lukim olsem yupela ol meri i redi long kisim dispela salens long makim ol manmeri bilong yupela na kamap lida.

"Em i gutpela tu bikos mipela tu i laik stap insait long tim na trenim yupela long samting yupela i mas save long em.

"Taim yupela i kamap lida, yupela bai save long wok lida i mas mekim, i gutpela na i stret."

Mis Anna Solomon i amamas long ol tingting bilong ol meri na i tok long meri i wok politik dispela i narapea kain.

Em i tok em i bin wok aninit long tripela politik meri husat i stap long Palamen nau em Gavana bilong Isten Hailans Julie Soso, Memba bilong Lae Loujaya Kouza na Memba bilong Sohe Delilah Gore.

Em i askim ol meri long ol i mas askim dispela tripela

meri long rot ol i yusim long winim ileksen bilong ol na wok strong olsem ol lidameri.

Kouame long UN i tok olsem yupela ol man, ol meri tu i gat save long mekim kain kain wok.

"Palamen i wanpela long ol ples we ol meri i ken soim save bilong ol na soim pasin bilong stap lida.

"Dispela sans i spesel bikos em i givim taim long ol meri long wanem samting ol inap long mekim," em i tok.

Skul kisim nupela saplai

Shirley Gar i raitim UPNG Jenelism sumatin

Long Fraide namba 3 Mas, Goldie Pramereri skul i bin kisim nupela skul saplai bilong ol sumatin na tisa long Treid Pasifik husat i save wok wantaim ol skul. Dispela em wanpela long ol TFF komponent aninit long infastraksa we edukesen dipatmen save givim mani long wan wan skul.

Goldie Pramereri skul em namba 5 skul long kisim dispela kain helpim long Treid Pasifik. Ol arapela skul em St Theresa Pramereri skul, Gaire Pramereri skul, Koiari Pramereri skul na Boreboa Pramereri skul.

Het tok bilong dispela bung em "Accountability, Transparency, Equitability of Government's TFF." Goldie Pramereri na Treid Pasifik i wanbel long wok bung aninit long TFF mani bilong infastraksa.

Klostu long 500 sumatin na papa mama bin kamap long dispela bung na witnessim. Jenerel Edukesen Menesa bilong Treid Pasifik Oscar Iguarek i bin mekim mein Presentesen i go long het tisa bilong skul na bihainim demo presentesen bilong ol buk na pensil i go long 10- pela sumatin bilong apa na lowa greit. Long pinisim tok, bilong dispela bung, Siaman bilong Goldie Pramereri i tok "Edukesen em dua bilong olgeta bikipela dipatmen insait long gavman."



Ol sumatin kisim buk na pensil long Treid Pasifik.



PIH Saveman *Nias*

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

Women's Heart Health

8th March 2017
Dr Suresh Venkita

Valentine's Day is just over. Having celebrated that with gusto, let us resolve that we shall take better care of women's hearts in 2017 and beyond!

Today we shall talk about Heart Health, not Heart Disease!



Advantage Oestrogen: The female hormone, Oestrogen, offers protection against heart disease before menopause, an advantage unfortunately lost as women begin to become overweight, smoke or develop high blood pressure or Diabetes early in life. But women are as prone to heart disease as men, after menopause. Knowledge about risk factors unique to women, as well as eating a heart-healthy diet and exercising, can help protect you.

Heart disease risk factors for women:

Although several traditional risk factors for coronary artery disease — such as high cholesterol, high blood pressure and obesity — affect women and men, other factors may play a bigger role in the development of heart disease in women. For example, risk factors may include:

Diabetes. Women with diabetes are at greater risk of heart disease than are men with diabetes.

Mental stress and depression. Women's hearts are affected by stress and depression more than men's.

Smoking. In women, smoking is a greater risk factor for heart disease in women than it is in men.

Inactivity. A lack of physical activity is a major risk factor for heart disease, and some research has found women to be more inactive than men.

Menopause. Low levels of oestrogen after menopause pose a significant risk factor for developing cardiovascular disease in the smaller blood vessels (coronary microvascular disease).

Broken hearts. This condition — often brought on by stressful situations that can cause severe, but usually temporary, heart muscle failure — occurs more commonly in women after menopause.

Pregnancy complications. High blood pressure or diabetes during pregnancy can increase women's long-term risk of high blood pressure and diabetes and increase the risk of development of heart disease in the mothers.

Women with inflammatory diseases, such as rheumatoid arthritis or lupus, may also have a higher risk of heart disease.



Women of all ages should take prevention of heart disease seriously. Women under the age of

65, and especially those with a family history of heart disease, need to pay close attention to heart disease risk factors.



What can women do to reduce their risk of heart disease?

Women can make several lifestyle changes to reduce the risk of heart disease, including:

- Quit or don't start smoking.
- Exercise regularly.
- Maintain a healthy weight.

Eat a healthy diet that includes whole grains, a variety of fruits and vegetables, low-fat or fat-free dairy products, and lean meats. Avoid saturated or trans-fat, added sugars, and high amounts of salt.



Exercise to reduce the risk of heart disease in women

In general, everybody should do moderate exercise, such as walking at a brisk pace, on most days of the week. You are recommended a combination of moderate and vigorous activity of about 30 minutes a day, five days a week. Exercise to be beneficial to your heart should make you warm, sweaty, breathing faster and harder and

make your heart beat faster. A slow and leisurely walk, chatting or on the phone will not do!

60 minutes a day, five days a week, is even better! In addition, do strength training 3 or more days a week.

If you can't get all of your exercise completed in one session, try breaking up your physical activity into several 10-minute sessions during a day. You'll still get the same heart-health benefits.

Interval training — in which you alternate short bursts of intense activity with intervals of lighter activity — is another exercise alternative you might try. For example, you could incorporate short bursts of jogging or fast walking into your regular walks. Interval training may help you burn more calories than continuous exercise, and it can help you maintain a healthy weight and keep your heart healthy.

You can make other small changes to increase your physical activity throughout the day. For example, try taking the stairs instead of the elevator, walking or riding your bicycle to work or to do errands, or doing sit-ups or push-ups while watching television.

Heart does not love pills and potions, it loves exercise.

Love your heart by making it exercise, it will love you right back!

What's a healthy weight?

What's considered a healthy weight varies from person to person, but having a normal body

mass index (BMI) is helpful. BMI is a measurement calculated from height and weight. It helps you see if you have a healthy or unhealthy percentage of body fat. A BMI of 27 or higher can be associated with an increased risk of heart disease.

Waist circumference also is a useful tool to measure whether or not you are overweight. Women are generally considered overweight if their waist measurement is greater than 35 inches (89 centimetres).

Losing even a small amount of weight can help by lowering your blood pressure and reducing your risk of diabetes — both of which increase your risk of heart disease.

Listen to your heart!

Every time your heart beats, listen; it is telling you:

Lub-Dub, Lub-Dub, the Health of your Heart is not in your hands,



but in your legs; so walk, run and climb!

If you have any further queries or seek more information, you may get in touch with the Pacific International Hospital at Ph No. 7998 8000 or email them at info@pihpng.com. Alternatively, you may even visit their new website at www.pihpng.com and post your queries.





The Pacific International Hospital, in association with the Royal Papua Yacht Club, proudly presents



Happy Women's Day

Women of the World : PNG Chapter

8th March 2017

#BeBoldForChange

For more information :
www.pihpng.com | info@pihpng.com | 7998 8000

PNG Career Development Inc i kamap

Josiah Ururu Kana i raitim

LONG Fonde Mas 2, 2017, wanpela nupela kampani bilong Papua Niugini stret, PNG Career Development Inc, i bin kamapim nem bilong en long Pot Mosbi.

PNG Career Development Inc em i wanpela non-profit ogenaísesen i save helpim ol sumatin husat i greduet long yunivesiti na ol narapela haia institusen long we bilong painim wok. Dispela kampani i save lainim ol yangpela man na meri long wei bilong salim ol save bilong ol long kisim wanem kain wok ol i gat laik long en ol long ol kain wok we ol i skul long en.

Man i statim dispela kampani, em John Kaupa Kamasua. Em i wanpeal leksera bilong Yunivesiti bilong Papua Niugini na Het ov Dipatmen bilong Skul bilong Sosel Wok long Skul bilong Humanitis.



John Kaupa Kamasua (wantaim aiglas) wantaim ol pikinini bilong em long taim bilong opim kampani long Gateway Hotel las wik. Foto: Josiah Ururu Kana.

Tingting bilong kamapim dispela kain kampani i bin kamap long John Kaupa Kamasua 9-pela yia i go pinis. As tingting bilong kamapim dispela kain kampani i kirap bikos Mista Kamasua i bin lukim planti ol sumatin husati lusim skul pinis i save go long em na askim em long raitim referens long ol i painim wok. Em i save helpim ol long senisim pas ol i save raitim bilong painim wok.

Dispela kain singaut bilong helpim i kam

planti taim long en na olsem na em i lukim olsem em i wanpela bikpela nid bilong ol yangpela tude long kamapim wok laip bilong ol.

“Bikpela laik bilong mipela em long helpim ol yangpela man na meri long salim ol yet o save bilong ol long open maket bilong ol wok,” em i tok.

Em i mekim dispela toktok bihain long wanpela pawa poin presentesen em i mekim long soim ol bikpela tingting o gol

na as tingting bilong kampani na ol sevis em i save givim.

“Mipela i save givim ol woksop long ol greduet sumatin na ol narapela lain tu husat i painim wok, long ol i ken mekim gutpela pas na stori bilong ol yet olsem long wei bilong raitim ol gutpela CV (Curriculum Vitae), aplikesen pas, ol wei bilong wokim intaviu bilong wok na tu long helpim ol long painim wok we i gutpela long ol,” Mista Kamasua i tok.

Lainim wei bilong painim wok em i gutpela

Josiah Ururu Kana i raitim

PLANTI Papua Niugini man husat i papa bilong ol kampani bilong ol yet i tok nau em i gat bikpela nid long ol yut long save long stretpela na gutpela wei bilong painim wok. Dispela bai kamap sapos ol inap long salim ol yet olsem wanpela gutpela aset o samting we wanpela kampani o dipatmen bai kisim.

Ol dispela kain toktok i bin kamap long taim wanpela nupela kampani bilong helpim ol yangpela long painim wok i bin kamap long las wik Fonde 2 Mas long Mosbi.

Dispela kampani em PNG Career Development Inc na John Kaupa Kamasua, wanpela leksera na het ov dipatmen bilong Sosel Wok long Yunivesiti bilong Papua Niugini i kamapim.

Planti ol narapela

Papua Niugini man husat i gat kampani bilong ol yet tu i bin kamap long soim sapot bilong ol long dispela taim olsem SP Brewery, PNG Customs, na NCDC Yut Developmen opisa.

Jacob Kaupa, Menesing Dairekta bilong Pasifik Kopret Sevis husat i mekim namba wan toktok long opim dispela bung. Em i tok olsem, PNG Career Development Inc em i gutpela kampani long kamapim ol driman bilong ol yangpela na em i stori long ekspiriens bilong em tu.

“Long taim yu kamapim driman bilong yu bai i gat ol salens tu, tasol yu save pinis long wei bilong menesim, plenim na mekim ol dispela salens i kamap gut,” em i tok.

“Ol kampani i gat hevi olsem na ol i salim tok save i go aut long painim ansa bilong ol na i no long ol bai kisim moa hevi.” em i tok.

“Taim mi tok olsem, bikos singaut bilong ol kampani long kisim gutpela wokman na wokmeri em i bikpela na ol kampani na emploia i laik save tru olsem ol i wok long kisim wokman na wokmeri husat i gat save na kwalifikesen bilong dispela wok,” Mista Kaupa i tok.

Long dispela taim tu Deputi Prinsipel bilong Pot Mosbi Nesanel Haiskul, Gevenah Gwaigo, i toktok long nid bilong dispela kain ogenaísesen long wok wantaim ol sekenderi skul long helpim ol gret 12 na gret 10 sumatin long go moa long painim ol gutpela wok bihain long ol i pinisim skul.

“I gat liklik namba bilong ol sumatin tasol i save go long ol bikpela institusen na planti i save go stret long painim wok. Ol dispela kain lain sumatin i nidim helpim bilong ol kain ogenaísesen olsem,” Misis Gwaigo i tok.



PNG Air

CENTRAL RESERVATIONS

Phone: + 675 7222 2151 | Fax: + 675 325 4867
TOLL FREE NUMBER 16111 | Email: reservations@pngair.com.pg

Tugyak viles i kisim fri taunam na malaria test



Ramu NiCo Komyuniti Afes Supavaisa, Nicholas Genaia (lephan) na ERT Suptintenden, Venancius Sapak i givim presen long ol pikinini.

OL pipel long Tugyak viles klostu long Basamuk long Rai Kos distrik long Madang i bin laki long kisim fri medikol sekap na ol fri taunam em i gat marasin long en. Ramu NiCo Manesmen i bin givim ol dispela samting i go long ol pipel long Tunde Mas 7.

Wanpela tim bilong Kampani wantaim ol Helt, Sefti na En-vairomen (HSE) na Komyuniti Afes dipatmen i kisim kar i go kamap long Tugyak na bungim 400 pipel na mekim dispela awenes.

Ol i wokim tu ol fri test long sik malaria na givim tupela beil taunam long ol pipel.

Nes opisa long Ganglau helt senta, Martin Uma i bin go wantaim ol long Tugyak.

Ol pipel bilong ples i bin bung na harim ol toktok bilong sefti,

helt, haisin, famili plening, TB, na HIV/AIDS.

Tim lida Nicholas Genaia i tok save long watpo ol i raun na mekim dispela awenes long taim bilong Nesenel Maining Sefti Wik. Na BSK CA supavaisa, Venancius Sapak i toktok long pasin bilong abrusim birua long taim ol i wokim paia we inap long kukim bus na kamapim bikipela birua.

Sampela lida bilong komyuniti askim ol kwesten long helt na en-vairomen na ol opisa i bekim ol dispela askim. Ol i tok tenkyu long kampani i givim fri test na fri taunam bikos planti lain bilong ples i stap longwe na i no inap go long Madang long kisim ol dispela samting.

Ol pipel i givim ol frut na gaden kaikai wantaim buai long soim amamas bilong ol long tim bilong Ramu NiCo.

Ol yangpela bagarapim laip bikos no gat wok

PLANTI ol yangpela nau i mekim ol pasin we i brukim lo bikos ol i no painim mining long laip.

Ol i kisim smok nogut, dring bia, bagarapim laip bilong ol narapela na bagarapim laip bilong ol yet bikos ol i no inap painim wok.

Moa yet, long ol narapela kantri, ol yangpela i tanim go mekim pasin teroris bikos ol i lukim dispela em i wanpela laip ol i ken stap bikos stap gut i no inap givim ol wanpeka gutpela samting.

Pop Francis i tok ol yangpela long dispela taim i bagarapim laip bikos no gat inap wok long ol i mekim.

Long dispela as ol gavman i mas wok hat long kamapim ol wok bai ol yangpela i ken mekim long sapotim laip bilong ol yet.



Pop Francis i givim toktok long ol sumatin na tisa bilong Yunivesiti bilong Rom. Foto: Internet

Em i mekim dispela tok long taim em i mekim raun i go long Yunivesiti Roma Tre long Rom, Itali i no longtaim i go pinis.

Pop i tok planti wok we ol man i save mekim, nau em teknoloji na kompiuta i kisim ples na mekim.

Tasol Pop i tok ol i mas tanim na kamapim samting ol yet olsem ol i ken gat samting long mekim. "Olsem wanem wan-

pela bai lukim ol develop kantri i gat bikipela namba bilong ol manmeri husat i no gat wok?" Pop Francis i askim.

"Long taim senis i kamap long teknoloji mipela long wankain taim i mas gat ol rot long kamapim ol wok we mipela yet inap mekim.

"Ikonomi bilong mipela i stap olsem wanem nau? "Senis long teknoloji

we i save mekim olgeta wok i kisim ples bilong ol man long kamapim ol."

Long dispela em i givim piksa long wanpela bisnis poroman bilong em long Argentina, Saut Amerika. Em i tok dispela pren bilong em i no save go kamapim planti long wok.

Em i sindaun tasol long kompiuta bilong em, paitim na salim tok i go i kam tasol namel long 10-pela minit em i kamapim US\$10,000 (K33,000).

Em i tok kain senis olsem dispela i kisim ples bilong ol man long wok.

Em i tok dispela i mekim we ol i tok Yurop i gat olgeta samting, dispela i no moa tru, i no gat moa wok long ol yangpela long mekim.

Pop i tok taim ol i lukim ol i no gat wok long mekim, ol bai tanim na mekim kain kain samting olsem joinim teroris o bagarapim laip bilong ol yet.



Het Bisop bilong Evejelikal Luteran Sios bilong Papua Nui Guinea long namel na long han sut em olpela Kote Presiden, Pasto Kelly Rabisung husat nau i kamap saplin bilong Braun Rurel Haus sik na long han kais em nupela Presiden Jonati Metu. Ol i wokabout bihainim singsing grup long go insait long haus lotu long taim bilong makim nupela ELCPNG Kate Distrik Presiden long wik i go pinis. Foto stori: Joyce Huanjo - Luteran Komyunikesen

Siameri: Tok save long kost bilong wanpela sumatin

Paul Zuvani i raitim

EDUKESAN Dipatmen i mas tokaut klia long kost bilong skulim wanpela sumatin, Eileen Lala, bod siameri bilong St Therese Praimeri Skul long Pot Mosbi i tok.

Em i mekim dispela tok taim skul i kisim ol tis na lening metiriel long Treid Print long wik i go pinis.

Em i tok bipo long tiusen fi fri (TFF) polisi i kamap, skul i save sasim wanpela sumatin long Praimeri Skul K200 o K250 na projek fi K100.

Na skul i save gat 1000 sumatin tasol bikos long TFF polisi namba bilong sumatin i go antap long 1700.

Em i tok bikos long dispela, mani mak we skul i mas kisim i go antap.

Tasol em i tok mani Dipatmen i givim i save daunbilo long mak ol i askim long em na i no save givim mani long taim stret.

"Las yia mipela i bin askim long K341,000 tasol mipela i kisim K251,000," Lala i tok.

"Dispela i mekim wok bilong mipela i hat.

"Namba bilong ol sumatin i go antap na olsem mani mipela i nidim tu i go antap."

Skul i yusim K14,000 mani bilong tiusen fi fri (TFF) komponen long baim dispela ol metiral.

Tasol i gat save olsem TFF kom-

ponen bilong Karikulum na Risos metiriel wantaim Infrastraksa komponen i gat fanding bilong tupela yet.

Long Janueri dispela yia, dipatmen i bin sainim K90 milien kontrak long tupela kampani em Tokiwa Ltd and MH Ltd long baim dispela ol metiriel na givim aut tasol inap long nau, no gat wanpela toksave i kamap.

Wantok Niuspepa long dispela wik i salim email long save long dispela wok tasol i no kisim bekim long Edukesan Sekretari Dokta Uke Kombra taim em i go long prin.

Bihainim Lala, wankain askim em planti ol arapela skul long kantri i mekim.

Boreboa Praimeri Skul Bod Siaman Peter Pete i tok skul bilong em i laik save mani bilong infrastruktsa na Karikulum na Risos Metiriel i stap we?

"Mipela i gat ol tisa husat i no gat haus bilong slip, mipela i mas meintenim klasrum na opis, banis bilong skul na skul laibreri wantaim ol arapela samting we mipela i mas stretim," em i tok.

"Sapos mani bilong dispela ol samting i stap, soim mipela bai mipela i kisim."

Las yia Sista Angela Taylor, OLSH, prinsipal bilong Marinaville Sekendari Skul ausait long Mosbi klostu i pasim skul bipo long de tru bilong ol skul i pas bikos long hevi

bilong TFF.

Em i tok skul i no kisim olgeta mani em i askim long en na i save kisim mani long taim stret.

Em i tok las yia skul i kisim tasol K380,000 na i wet yet long kisim narapela K770,000 hap bilong mani.

"Mipela i gat 725 sumatin we 336 em ol boda na narapela em ol de sumatin," Sr Angela i tok.

"Skul i narakain bikos i gat ol boda na de sumatin wantaim. Edukesan Dipatmen i no tok klia hamas mani wanpela sumatin i mas kisim.

"Mak bilong mani mipela i nidim em K1 milien na go antap."

Selebretim spesel de bilong ol meri na strongim gen ol wok

LONG Trinde 8 Mas, PNG i bung wantaim olgeta arapela kantri long wol long selebretim Intenesenel Wimens De. Long Pot Mosbi, sampela lida meri i bung long toktok long ol hevi na ol gutpela samting tu i save kamap long ol meri bilong PNG.

Yumi wok long lukim yet pasin bilong vailens egensim ol mama na ol pikinini meri. Yumi lukim yet planti mama na i pikinini i dai bikos i no gat marasin, o rot long go long haus sik. Yumi lukim planti mama i dai long sik kensa bikos i no gat marasin na dokta long helpim ol.

I gat planti ol bikpela salens i save kamap long laip bilong ol meri long PNG, tasol yumi gat ol strongpela meri husat i save painim rot bilong helpim ol yet wantaim famili bilong ol.

Tude yumi lukim planti senis i kamap long helpim laip bilong ol meri na famili. I gat ol awenes i kamap long ol rot bilong kism helpim. Gavman na ol sios wantaim ol ovasis patna i bung na kamapim ol program bilong helpim ol meri. Ol save lain bilong ol bisnis na ol benk tu i kamapim program bilong helpim ol meri i go insait long wok bisnis.

I tru olsem planti ol gutpela senis i wok long kamap nau. Tasol i gat tu planti ol nogut pasin i stap yet. Dispela pasin bilong vailens i save kamapim pret. Long ol taun



na siti planti mama i save pret long wokabout ol yet o go long ol ples we i gat nem nogut bikos long pasin bilong pikpoket na bagarapim ol meri.

Yumi save olsem dispela ol pasin nogut bai i stop sapos olgeta pipel i pasim tok na helpim ol meri long taim ol i lukim ol raskol i stilim bilum na mekim nabaut long ol meri. Planti taim ol man i

lukim tasol ol i pret o i les long helpim ol meri.

Namba wan rot bilong kamapim senis em long skulim ol pikinini long haus yet long pasin bilong soim rispek na helpim mama long wok. Yumi save skulim ol pikinini meri long helpim mama long wok na larim pikinini man i go pilai. Dispela pasin i mas senis. Yumi givim wok long pikinini man na

meri wantaim bai ol i lain long luk-save long stretpela pasin bilong stap wantaim na soim rispek long ol arapela.

Tude ol pikinini meri bilong yumi i mekim wok we ol man tasol i save mekim bipo. Ol i kamap dokta, pailot, ensinia, saintis, ol tisa long yunivesiti na ol arapela bikpela wok. Em i gutpela na mobeta yumi givim sans long ol taim

ol i liklik yet na bai ol i ken soim trupela kala bilong ol.

I gat planti samting i sot yet. Nesenel Kaunsil ov Wimen i maus pas yet. Ol wimens grup long ol provins i no gat nek moa. Ol i dai nabaut o i gat planti politiks tumas na i no helpim ol meri olsem na i no gat sapot. Oltaim wanpela bung bilong ol meri i kamap, em ol ovasis lain husat i stap long PNG i save go pas long en.

Tasol i gat planti ol strongpela wimens grup husat i wok strong tru long helpim ol mama na yangpela meri long kantri bilong yumi. Ol i stap isi na i painim mani na sapot long mekim wok bilong ol. I gat planti yangpela meri husat i wok long helpim komyuniti bilong ol. Yumi amamas na tok tenkyu long ol.

Kantri i nidim ol kain strongpela lida meri olsem long mekim wok bilong helpim komyuniti. Taim i senis na i gat nupela wei bilong wokim ol samting.

Ating ol yangpela meri bilong tude i ken sanap strong na karim gutpela nem na skruim ol wok we ol mama i bin statim bipo long independens na long ol yia bihain long en, long kamapim driman bilong ol meri long PNG. Ol i ken winim dispela mak sapos i gat rispek na daunpasin na bel isi i stap na ol i wanbel long wok bung wantaim.

Givim sampela taim bilong de long God

LONG taim planti senis i kamap long teknoloji, wok, pilai na laipstail, planti manmeri i no gat taim long God o i lusim tingting olgeta long em.

Ol i ting wanem samting ol i mekim i laip na i no gat narapela samting moa i stap long strongim ol.

Tasol planti hevi i save kamap taim kain tingting na sindaun i stap.

Long amamas na stap gut long laip, mipela mas tingim skul bilong Moses long buk bilong Lo (Deuteronomy): 28. Long dispela buk Moses i givim skul long ol manmeri bilong Israel.

Em i tok sindaun bilong ol bai gutpela sapos ol i bihainim tok na lo bilong God. Tasol sapos ol bai i no bihainim sindaun bilong ol bai bagarap. Wanpela bikpela rot



wanpela inap pas oltaim na bihainim tok bilong God, em pasin bilong pre o beten. Manmeri mas pre oltaim.

Em i no hat long pre. Wanpela inap kism tupela o 10-pela minit long pre.

Ritim Baibel i wanpela rot bilong pre.

Narapela rot em wanpela i mas stap isi na toktok wantaim God. Dispela i min wanpela i mas go long wanpela kona o stap isi long desk, tebol o sia bilong em na toktok long God. Sapos wanpela i no save em mas askim nara-

pela husat i save long pre long helpim em.

Maski yu no save long kain tingting o toktok yu mas gat long em, dispela win yu pulim i go insait i ken kamap pre bilong yu.

Sapos yu wokabout o yu ran long kar ol samting yu lukim, dispela yet i ken kamap pre bilong yu olsem yu amamas na tok tenk yu long em.

Tasol ating sampela manmeri bai gat ol tingting we i pasim ol long pre. Ol kain tingting olsem:

- Laip bilong mi i no gutpela na mi no ken pre;
- Mi no gat taim long pre;
- Bilong wanem mi pre, God i save pinis long sindaun bilong mi;
- I no gat God, lusim taim nating long dispela pasin; na
- Mi pre tasol no gat kaikai, bilong wanem mi

pre.

Em ol trupela tok bikos em kain sindaun bilong dispela laip.

Tasol long strongim wanpela long pre, Aposel Pol i tokim mipela long Rom 8:26, "Spirit i save strongim mipela taim mipela i no gat strong, long taim mipela i no save long pre, Spirit i save helpim mipela long ol tingting na strong long wanem samting mipela i mas mekim."

I gutpela long larim Spirit i strongim na soim mipela long rot bilong pre.

Taim yu gat spirit bilong pre, em bai i no inap hat long pre.

Wankain olsem yu pulim win long stap, yu bai pilim yu mas toktok wantaim God long stap, maski i gat planti samting long mekim na long gutpela taim o taim nogut.

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantokniuspepa.com

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

STORI BILONG TUMBUNA

TOK PLES KAMAP WE?



Bipo tru olgeta man i save long wanpela tok ples tasol. Na dispela tok ples ol i kolim BUKIKUNDI. I tru ol i

gat planti ples, tasol tok ples i wankain tasol. Olsem na ol manmeri i stap olsem brata na susa.

Na sapos taim bilong marit, papamama bilong pikinini man i mas kirap i go longwe ples long painim meri long pikinini man bilong tupela. Dispela kain pasin i stap inap longpela taim tru.

Bihain nau long wanpela ples ol i kolim Yami, i gat wanpela man i stap nem bilong Aukejim. Dispela man i gat planti pikinini tru. Na ol pikinini i wok long marit i go i go na tupela tasol i stap wantaim papamama. Nem bilong tupela Lakito na Munapeihim. Tupela i pikinini man tasol. Las boi em Munapeihim.

Tupela i save poroman long taim papamama i salim tupela long kisim kaikai long gaden o pulimapim wara. Tupela i save slip long wanpela rum tasol.

Long wanpela de papa bilong tupela i tokim tupela. O tupela pikinini, yutupela i mas lusim pasin bilong bikipela man nau. Na liklik i askim bilong wanem papa? Papa i bekim na i tok, long wanem bikipela bilong yu bai i marit nau. Na liklik boi i

wari nogut tru. Long wanem bikipela i marit nau na bai liklik tasol i go long olgeta hap na mekim wok long papamama.

Taim Munapeihim i marit pinis, Lakito i hatwok long helpim papamama. Wanpela de nau bikbrata i tok long Lakito. Mi laik i go kisim sampela buai long bus, inap long yu kam wantaim mi na mitupela i go. Nau liklik i tok orait bai mitupela i go.

Tupela i kamap long Yaubul, ples we bai tupela i kisim ol buai. Liklik brata i tok, yu stap, bai mi go antap long buai na kisim buai. Nau bikipela brata i sindaun i stap long as bilong ol diwai buai na liklik i goap kisim buai.

Taim Lakito i go antap kamap long rop buai em i sotwin na maus bilong em i op stap long kisim win. Long dispela taim stret wanpela binatang i kaikaim tang bilong em. Nem bilong dispela binatang em Maliniti.

Tasol Lakito i go het long kisim ol buai. Antap long dispela buai i gat tupela rop buai, na Lakito i singaut i go

daun long bikbrata bilong em: Yu laik mi kisim namba wan rop o namba tu rop buai? Tasol bikbrata i bekim tok, mi no save yu tok wanem. Na liklik i bekim: mi no save tang bilong mi tanim pinis. Ya mi ken harim yu toktok long mi tasol mi laik bekim, mi bekim long narakain tok ples.

Taim tupela i go bek long ples olgeta man i bung na harim man ya i wokim nupela tok ples. Nau wanpela lapun i tok, Lakito, yu mas lusim mipela na yu go long narapela

hap na wokim nupela ples.


So nau long dispela taim nau ol man long Kalapu i save kolim ol man long Yamil olsem bikbrata. Long wanem em dispela ples we Lakito i go i stap na tok ples ol i kolim Tumakundi. Na tu ol Kalapu inap tok ples wantaim ol Yamil.

Nau tu graun bilong tupela ples i wanpela, tasol na tok ples em tupela Tumakundi na Bukikundi.

Noel J.

Arawa / Bougainville

Em nau! Ol pikinini i ken painim rot i go long ples wantaim wantok lain...



Yu pinis! Em ples bilong yu

Ansa bilong Wod Pilai isu 2215



PAINIM WOD PILAI

Ol wod lista:

- | | | |
|---------------|------------------|---------------|
| RON | KAKA | LAKI |
| WANTU | HAMA | HOP |
| RIP | GIP | GOD |
| TIKET | DRAI | DAS |
| AWAN | BRINGIMAP | BREKIM |
| SIOS | ASA | WET |
| PUSI | TARAR | TUPIS |
| LOTU | | |
| MALAI | | |
| SWISIM | | |
| TANG | | |
| LIK | | |

Z T I D E G E Y I E C P C E F C D A J G S I Z S R
 E G T E N R A N P C W L V S G P G Q K J U J V A D
 I S O K E L E T F F O J N P J F M P L I E T R Z J
 E I A A V C T C N N U V A S P R U E K E S S U T S
 R N E F U O Z H K E I T Y I I E Y E F L E S A Q N
 E S Q E N N E V M H S F S E C N L L S T Q I T W D
 E O A L E E S A E S A I L S B T O T L F N M N H N
 G D O H L H E D D B O N S I E G A Y M R S O I L D
 P N E S H L T Y C A S X N I Q R H E Q A G J P T D
 Y R S A R E W B Q K A C A S R T R T J K I R S G D
 C B C N W E D S I K O E S O M R Q G V A N I B M B
 L E W I S M A H T R G A J J D S S O R K W P R E Y
 N N E F I E Y Q C U I I M S W E X D I A Y A I G H
 I U S Z I J P S S A A B I D F F R K L Y M R N R O
 Q M E P P C C T P R N E N X Z S A R L A A A G T P
 U P P S E E L L T I O A S G A L R L H R T L I K U
 M G K K V E R B E X E O S R S G O M A L A I M C S
 G D T C N M E V G G C Z B A R I N T I K E T A Y I
 D S C C S A B U N H N J D L T P O D U C T U P I S
 V T O M A B E I J J J B R E K I M S W I S I M D U



TOK PISIN NEWS

from Radio Australia

radioaustralia.net.au

Harim TOK PISIN long Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Nek bilong PNG Roger Hau'ofa i dai

Caroline Tiriman i raitim

PAPUA Niugini i lusim wanpela man em ol i save tok em i Nek bilong PNG. Dispela man, Roger Hau'ofa, i bin dai long Sarere nait.

Dispela em toktok bilong Alexander Rheeney, Presiden bilong Media Kaunsil bilong PNG na planti ol narapela pipel long kantri.

Roger Hau'ofa i bin wok wantaim Nesenel Brokasting Kopresen (NBC) long planti yia na bihain em i bin go wok long FM 100. Em i gat redio tok bek program we em i save toktok wantaim ol lida na ol kain kain pipel long

kain samting olsem wok politik, na ol wari i save kamap long helt, edukesen na ol narapela samting.

Roger i bin dai long ples bilong em, lare long Kairuku Distrik, long Sentral Provins. Em i bin gat 73 krismas long taim em i dai.

Papamama bilong Roger Hau'ofa em ol misineri bilong Tonga. Ol i bin kam wok misin long PNG na mama i bin karim Roger long Misima, Milen Be Provins. Em i wanpela sitisen bilong PNG na em i gat famili bilong em yet tu long PNG. Em i wanpela mansave long tok bek redio long FM 100 long planti yia.

Nau planti pipel long olegta hap bilong kantri husat i save harim program bilong em i sori tru long harim olsem em i dai pinis.

Presiden bilong Media Kaunsil bilong PNG, Alexander Rheeney i tok Hau'ofa i lusim bikpela hanmak.

Wanpela lida husat i save toktok planti taim wantaim Roger Hau'ofa em gavana bilong Oro provins, Gary Juffa. Juffa i tok olsem, Mista Hau'ofa i bin mekim planti gutpela na bikpela wok long tok save na helpim ol pipel i save gut long wanem ol samting i wok long kamap long kantri.

Ol Bogenvil fama tok tenk yu long Australia na Nu Silan

Caroline Tiriman i raitim

OL kakao fama bilong Bogenvil i givim bikpela tok amamas long ol gavman na pipel bilong Australia na Nu Silan long mani em ol i givim bilong helpim ol long planim

na lukautim kakao.

Astingting bilong dispela tupela gavman em bilong apim na kamapim gut wok bilong kakao na helpim ol fama i strongim kakao bisnis long Bogenvil.

Gavman bilong PNG tu i

helpim dispela projek wantaim Atonomos Bogenvil gavman.

Kakao em i wanpela kain egrikalsa bisnis ol pipel bilong Bogenvil i save planim long planti yia winim ol narapela ples long PNG.

Sampela kakao fama long Bogenvil nau i stat pinis long yusim kakao bilong ol long wokim soklet.

Ursula Rakova meri i go pas long Tulele Peisan Inc, NGO grup i save helpim ol pipel bilong Caterets, i wanpela long ol kakao fama. Em i tokim Radio Australia olsem, dispela mani bai helpim gut ol fama wantaim ol wok bilong ol.



Ursula Rakova, bilong Tulele Peisa Inc, lain em i save helpim ol Caterets pipel long Bogenvil.

Gavana Potape i singaut long AFP go wok long Hela

Sam Seke i raitim

GAVANA bilong Hela Provins, Francis Potape i tok em i laik long sampela Australian Federal Police (AFP) long go helpim na stretim ol hevi bilong lo na oda long provins.

Em i tok em i mekim dispela singaut long wanem em i gat nid long stretim wok bilong ol polis long Hela long mekim wok bilong daunim planti trabel na

vailens long provins.

Mista Potape i tok em i klia ol polis i no mekim gut wok bilong ol long wanem, planti kain kain trabel i stap long komyuniti tasol i no gat wok bilong arestim na kotim ol lain i wokim trabel.

Em i tok planti long ol polis opisa long Hela ol i orait, tasol em i tokwin olsem sampela bilong ol i save helpim long givim nating gan i go long ol pipel.

Mista Potape i tok gans

sarenda i gutpela, tasol bai i gutpela moa sapos provins i gat polis fos husat i mekim gut wok bilong ol na pipel i gat bilip na trastim ol.

Em i tok em i lukim ol AFP i mekim gutpela wok tru long help daunim kraim long ol senta we ol i wok long en long PNG.

Gavana Potape i tok provins i nidim 3 o 4-pela Australia polis long go helpim ol polis long Hela long wok bilong prosekusen.

Ol meri promotim PNG bilum long Australia

Caroline Tiriman i raitim

WANPELA lain meri bilong strongim wok bilong ol lain i save wokim bilum bilong Papua Niugini i raun nau long Australia long toktok na promotim bilum ol meri PNG i save wokim.

Ol dispela meri i memba bilong Bilum Ekspot na Promosen Asosiesen na ol i sanap makim moa long 600 ol

mama long planti hap bilong kantri.

Astingting bilong dispela grup em bilong helpim ol meri na mama long wokim ol bilum na ol narapela art na kraf na salim bilong kisim mani long helpim ol yet na ol wan wan famili bilong ol.

Sharlene Gawi em i eksekutiv opisa bilong dispela asosiesen na em i tok gavman bilong Australia i sapatim dispela project.

Ol wol lida krosim Not Korea

OL lida bilong plani kantri long wol i bin kirap nogut tru na i krosim Not Korea bihain long em i sutim 4-pela strongpela roket bom long Mande na 3-pela bilong ol i bin pundaun insait long solwara bilong Japan.

Ol i singaut long gavman bilong Not Korea long stopim dispela pasin bilong sutim bel. Foren Seketeri bilong Briten, Boris Johnson i tok dispela pasin bilong Not Korea i brukim planti ol resolusen bilong Yunaitet Nesen (UN) na inap long kamapim birua pasin long wol.

USA wantaim Japan i askim UN long kamapim wanpela imejensi miting bilong UN sekyuriti kaunsil long toktok long dispela samting. Praim Minista bilong Japan, Shinzo Abe, i tok dispela pasin bilong Not Korea inap long kirapim bikpela birua.

Ekting Presiden bilong Saut Korea, Hwang Kyo-ahn, i mekim strongpela toktok egensim Not Korea na tok em i pasin bilong salensim ol arapela kantri long wol. Em i tok

bai ol putim wanpela US enti misail difens sistem, maski sapos Saina i kros long dispela.

Not Korea i toklukaut olsem militeri eksasais bilong USA na Saut Korea bai i kamapim nuklia bagarap.

Embasada bilong Not Korea i salim pas i go long UN sekyuriti kaunsil long Mande na em i tok, dispela ol eksasais i bilong kamapim woa.

Ol dispela 4-pela roket bom bilong Not Korea i flai i go inap long 620 mail, 3-pela bilong ol i bin pundaun insait long solwara bilong Japan (EEZ) na namba foa i pundaun ausait long dispela mak.

Saut Korea i tok ol i no klia yet long wanem kain tru roket bom bilong Not Korea, tasol em i no olsem dispela kain ol i kolim inta-kontinental balistik misail (ICBM).

Wanpela mausman bilong Pentagon, Nevi Kepten Jeff Davis i tok ol i no lukim wanpela ICBM. Tasol ol i no klia wanem kain roket bom Not Korea i bin sutim.

Foren Afeas sif bilong Yuropan Yunion (EU) Federica Mogherini i tok dispela

pasin i soim olsem Not Korea i no gat rispek long ol resolusen bilong UN na mausman bilong Rasia, Dmitry Peskov i tok Rasia i wari tru.

"Dispela kain pasin i save kamapim sindaun nogut long rijon, Rasia i singaut long olgeta i mas stap isi,"Peskov i tok.

Boris Johnson i tok, "Mipela i askim Not Korea long stopim dispela pasin bilong sutim bel, we bai kamapim birua pasin namel long ol kantri. Mobeta Not Korea i wokbung wantaim ol arapela kantri na stat long helpim sindaun bilong ol pipel bilong en na maski long mekim ol program bilong kamapim ol balistik na nuklia bom."

Gavman bilong Frans i tok, "Mipela i singaut long Not Korea long stopim dispela pasin na bihainim agrimen bilong em long stopim na rausim olgeta program bilong en long wokim ol balistik na nuklia wepon."

Dispela pasin bilong Not Korea long sutim ol dispela misail, i kamap bihain long

ami bilong USA na Saut Korea i wokim ol militeri dril. Presiden Kim Jong-un bilong Not Korea i sutim tok olsem tupela kantri li prektis long tokova long kantri bilong em.

USA i gat 28,500 soldia na ol ikwipmen i stap long Saut Korea na i tingting long putim wanpela Terminal High-Altitude Area Defense (Thaad) na enti-misail difens

sistem long pinis bilong dispela yia.

Japan i tingting nau long strongim balistik misail difens bilong en. Em i tingting long baim wanpela Thaad o bai ol i wokim wanpela Aegis sistem long graun, wankain olsem i stap long ol sip i patrol long solwara bilong Japan.

Dispela pasin Not Korea i

mekim kamap bihain long gavman bilong Not Korea i kisim planti tok kros tu long ol wol lida bihain long indai bilong hap brata bilong Kim long Malesia. Ol i bilip ol lain bilong Not Korea i bin kilim em.

Long Sande, Malesia i bin rausim embeseda bilong Not Korea. Not Korea i bekim na rausim embasada bilong Malesia.



Dispela roket bom i flai long Tongchang-ri i go pundaun long samting olsem 186 mail ausait long Oga Peninsula long Akita prifeksa long Japan.

WOL NIUS

Telikom bai ran gut aninit long nupela ristraksa

TELIKOM PNG Limited i stap gut na ol manmeri i no ken pret bikos kampani i stap gut tru na bai ran gut long han bilong gutpela menesmen tim na bod.

Ekting Minista bilong Pablik Entaprais na Stet Invesmen, Charles Abel i tok, gavman i mekim nupela ristraksa na dispela bai helpim Telikom long kamap wanpela strongpela stet on entaprais long PNG.

Mista Abel i tok dispela nupela ristraksa bilong Telikom bai lukim nem bilong Telikom PNG Limited i senis na i kamap Kumul Telikom Holdings Limited (KTH).

KTH bai kamap olsem bikpela ambrela kampani bilong Telikom PNG Limited, DataCo PNG Limited na mbobile.

EMTV na Datec tu bai stap aninit long KTH bikos tupela tu i sabsideri kampani bilong Telikom PNG Limited.

Mista Abel i tok dispela ristraksa bai bungim dispela olgeta 5-pela kampani bilong gavman i stap aninit long wanpela holding kampani tasol.

"KTH bai kamap wanpela ambrela holding kampani bilong dispela ol arapela kampani. Ol bai bungim strong na risos wantaim

long kirapim resis pilai egen-sim arapela praivet sekta kampani," Mista Abel i tok.

Em i tok dispela kain pasin bilong larim ol SOE yet i kamapim resis egensim ol yet i no gutpela.

"I no gutpela long ol kampani bilong gavman yet i resis egensim ol yet. Mipela bai bungim olgeta kampani bilong gavman i stap long telekomyunikesen indastri na kamapim wanpela strongpela kampani stret," Mista Abel i tok.

Em i tok KTH bai kamap bikpela na strongpela kampani long resis wantaim arapela ol telekomyunikesen kampani long praivet sekta.

Ramu NiCo givim marasin bokis long Ganglau helt pos

RAMU NiCo Menesmen (MCC) long Mande, Mas 6 i givim marasin i go long Ganglau helt pos long Raikos distrik long Madang.

Dispela donesin o helpim em Kampani i save givim long olgeta kwata bilong wan wan yia aninit long wanpela agrimen kampani i bin sainim insait long memorandum ov agrimen (MoA) long helpim helt sevis insait long projek eria bilong en.

Long Mande, Mas 6 ol Ramu NiCo medikol tim wantaim ol Komyuniti Afes Dipatmen opisa i bin go long Ganglau long givim wanpela marasin bokis i go long medikol opisa i lukautim etpos, Martin Uma.

Basamuk medikol tim em Dr. Ming Meng na Shem Silas i go pas long en na ol lain long CA Dipatmen i go em supavaisa, Nicholas Genai.

Dokta Meng i tokaut olsem kost bilong dispela marasin bokis em moa long K5000, na dispela marasin em bilong namba wan kwata bilong yia 2017.

OIC bilong Ganglau helt pos, Martin Uma i givim bikpela tok tenkyu bilong em i go long Ramu NiCo tim bilong Basamuk Rifaineri long gutpela sapat ol i givim long Ganglau helt pos.

Mista Uma i tok dispela helpim bai helpim em wantaim ol opisa bilong em long

sevim ol manmeri na pikinini long ol viles na hauslain husat i save go kism helpim long Ganglau klinik. Mista Uma wantaim meri bilong em nau i go lukautim Ganglau klinik wantaim arapela nupela lain medikol opisa bihain long wok i pinis long nupela haus bilong ol helt wokman long hap.

Dispela helpim bilong givim marasin i kam long rait taim tu taim Ramu NiCo (MCC) i wok long amamasim Nesanel Maining Sefti Wik (NMSW) long ol wok bilong em long Kurumbukari Main, BSK Rifaineri na Madang Bes.

NMSW bilong kampani stat long Mande, Mas 6 na bai pinis long Sarere, Mas 11.

KCH strongim kampani bilong gavman

AS tru bilong O'Neill-Dion Gavman i bungim olgeta kampani bilong gavman na larim ol i stap aninit long Kumul Consolidated Holdings Limited (KCH) em long larim ol wan wan kampani i ran gut.

Dispela em i toktok bilong Ekting Minista bilong Pablik Entaprais na Stet Invesmen, Charles Abel.

Mista Abel i tok strong bilong kampani na pasin bilong wokbung wantaim arapela kampani bilong gavman bai kamap gut taim mama kampani KCH i bosim olgeta na lukautim wok bilong olgeta liklik sabsideri kampani.

"Gavman i gat rait long mekim bisnis, kamapim kompetisen na givim sevis long pipel long wan wan indastri long dispela kantri,"

Dipatmen bai kamapim polisi bilong bisnis

WOK bilong Dipatmen ov Pablik Entaprais na Stet Invesmen em long mekim polisi bilong helpim operesen bilong ol stet on entaprais (SOE), Ekting Minista bilong Pablik Entaprais na Stet Invesmen, Charles Abel i tok.

Mista Abel i tok Dipatmen ov Pablik Entaprais na Stet Invesmen i no ken mekim bisnis long laik bilong em yet.

Mista Abel i tok.

Em i tok gavman i save mekim bisnis long praivet sekta taim em i lukim olsem praivet kampani na bisnis i les long givim sevis long pipel o i sot long mani long givim ol namba wan sevis long pipel.

"Mipela i putim bisnis bilong telekomyunikesen, pawa, wara, balus na arapela bisnis bilong gavman i stap insait long wanpela bilong," Mista Abel i tok.

Em i tok KCH i stap long putim ai long wan wan stet on entiti (SOE) o kampani bilong gavman.

"Gavman i mekim polisi bilong larim gavman yet i mekim bisnis. Dipatmen ov Pablik Entaprais na Stet Invesmen i save mekim polisi bilong olgeta SOE," Mista Abel i tok.

"Dipatmen ov Pablik Entaprais na Stet Invesmen i mas stap long kamapim ol polisi na mekim ol pepa wok long soim rot we ol SOE i stap aninit long Kumul Consolidated Holdings Limited (KCH)," Mista Abel i tok.

Em i tok dipatmen i mas developim polisi bilong wan wan SOE na i mas larim ol wan wan SOE yet i ranim operesen.

"Straksa bilong ol wan wan SOE i stap aninit long KCH i mas bihainim polisi we dipatmen i kamapim," Mista Abel i tok.

Em i tok gavman polisi i tok long lukautim mani bilong ol SOE gut, putim strongpela menesmen tim na ranim gut kampani olsem arapela kampani long praivet sekta.

"KCH i stap long larim ol SOE i bihainim gavman polisi na strongim bisnis. Gavman i laikim ol SOE long bihainim polisi na strongim bisnis.

"Ol SOE olsem Telikom PNG, Post PNG, PNG Power, Air Niugini na arapela bisnis bilong gavman i mas givim sevis long pipel, mekim winmani na strongim kompetisen wantaim arapela praivet sekta bisnis," Mista Abel i tok.

Mista Abel i mekim dispela toktok taim em i laik klaim toktok long olsem wanem KCH i ran na wanem kain wok em i mekim long kontrolim ol SOE.

Em i tok mama kampani bilong olgeta SOE em i KCH. KCH i stap long lukluk long operesen bilong wan wan SOE olsem Telikom PNG, Post PNG, PNG Ports, PNG Power na Air Niugini.

Mista Abel i mekim dispela toktok taim em i laik tok save long Seketeri bilong Dipatmen ov Pablik Entaprais na Stet Invesmen, Dokta Clement Waine, long em i kamap ekting minista long dispela tupela bipo long 2017 Nesanel Ileksen.

Bung mas kamap yet

BUNG bilong PNG Petroleum na Eneji Samit i mas kamap long olgeta yia bikos dispela i bringim ol bikpela kampani bilong oil na ges long kam toktok long invesmen ol i mekim long PNG.

Treseri Seketeri Dairi Vele i tok dispela bung i mas kamap long olgeta yia bikos em bai bringim planti investa i kam insait long kantri.

Mista Vele i tok oil na ges indastri em i wanpela bikpela indastri we gavman i save mekim bikpela mani long en.

Em i tok ikonomi bilong PNG i wok long gro bikos long oil na ges projek olsem PNG LNG Projek.

"Mi laik tok tenkyu long dispela bung i kamap. Bikpela tok tenkyu bilong mi i go long ol lain long Kumul Petroleum Holdings (KPH) long kamapim dispela bung.

"Em i namba wan bung we KPH i ogenaisim long bungim gavman, ol investa, ol bikpela benk na oil na ges kampani," Mista Vele i tok.

Em i tok planti taim ol investa i no save gat sans long kam long kantri na lukim ples we ol bai mekim bisnis long en.

Em i tok dispela kain bikpela bung i save mekim isi long ol investa i kam long hia, bungim ol gavman lain na bisnis patna.



Ramu NiCo (MCC) Basamuk Rifaineri Suprintenden, Dr. Meng Ming (namba tu long raithan) na Nesing Opisa, Shem Silas (namba tri long lephan) i givim boks marasin long Ganglau helt pos OIC, Martin Uma.

Tupela kasen mekim liklik bisnis

Nicky Bernard i raitim

Jason Andrew na Mathew Marabe, em tupela kasen brata na tupela bilong Tari long Hela Provins.

Jason na Mathew i statim skul bilong tupela long Tari na bihain mekim rot bilong tupela kam antap long Hai Skul.

Jason go painim Sekendri Skul long Wabag na em pinisim yia 12 bilong em long hap na bihain em kam daun long Mosbi long painim kolis long kisim moa save.

Mathew i pinis tu hai skul bilong em na kam daun long Mosbi na pinis gret 12 bilong em long Gerehu Sekendri. Bihain em go long wanpela kolis na trening long Tiri long Aviesen(Fly) na em pinisim dispela Stadi bilong em.

Jason i kam daun long Mosbi na go stadi long ITI na kisim Diploma bilong em long Humen Risos na Menesmen.

Dispela tupela kasen nau i pinisim skul bilong tupela na gat pepa, tasol long kisim wok i hat liklik long tupela. Olsem na tupela kamap long

wanpela tingting bilong kamapim liklik bisnis bilong tupela na traim long mekim liklik mani long go bek long skul long kisim moa save.

Tupela stat long baim wanpela Original Coca Cola na salim dispela wanpela katen, tupela salim wanpela ken long K2 wankain tasol ol narapela lain save salim pepsi. Dispela wanpela ken katen Coca Cola bilong tupela i stat gro go bikpela.

Taim tupela lukim olsem tupela i mekim liklik mani moa tupela stat long salim ol narapela samting olsem bisket, Flex kat na sampela samting moa.

Tupela tingting long rentim wanpela hap long mekim bisnis bilong tupela na tupela lukim wanpela Coca Cola stua bokis long Boroko na tupela askim man husat i lukautim dispela stoa sapos tupela ken rentim. Dispela askim bilong tupela i karim kaikai na tupela stat long rentim.

Tupela i no westim taim, tupela i pulmapim ekski bilong tupela wantaim olgeta PNG Made Coca Cola drings tasol. Liklik self bilong tu-



Jason na Mathew stap insait long rent stua bilong tupela long Boroko. Poto Nicky Bernard

pela tu pulap long karten bisket na twistis, flex kat, top kat smok na sampela moa samting.

Dispela liklik stua bilong tupela save pulim planti kastoma long bik moning na apinun taim ol stua i no open yet o pas long apinun. Tupela i save opim long hap pas 5 o 6 kilok long moning na pasim long 6 o hap pas sikis long apinun na resis long bas long go long haus.

Olgeta wok manmeri na skul pikinini save resis long stua bilong tupela long moning long wanem ol samting ol i laik save stap na ol i no save wetim bikpela

stua long op long 8 kilok moning taim.

Tupela i gat 3-pela mun tasol stap bipo long papa bilong liklik stua bai kisim bek long wanem em givim tupela wapela yia tasol long rentim.

Tupela askim Coca Cola long helpim tupela long givim wanpela kain liklik stoa olsem long salim ol kaikai na dring bilong ol long en. Tupela tok ol dring tupela save salim em Coca Cola tasol na olgeta dring bilong tupela em PNG Made tasol long wanem tupela laikim mani bilong yumi stap long kantri bilong yumi PNG YET.

Ol sefti posta i karim bikpela stori

OL jenelis i save tok, "Ol piksa i karim planti stori tru". Na ol atis i ken tok, "grafik posta o artistik droing i winim milien toktok."

KBK Main, Basamuk Rifaineri na Madang Bes bilong Ramu NiCo i wok long lukim ol Sefti Posta wantaim kain kain toktok na ol piksa em ol wok lain bilong kampani i bin droim long strong het tok bilong Sefti.

Posta kompetisen em i wanpela bilong ol awenes ektiviti ol Projek wok lain i bin wokim long sapatim astingting, Manage Your Risk.

Long KBK Main sait opis, ol i putim moa long 30 posta

long ol wol long mein opis na bai ol jasi ken skelim. Ol i mekim wankain tu long Basamuk na Madang opis.

Ol dispela posta i toktok long sefti long ples bilong wok na i bihainim astingting bilong

Nesanel Maining Sefti wik, Managing Your Risks. Na i karim ol toktok bilong 13 Golden Rul bilong luksave long wanem samting inap kamapim bagarap na ol rot bilong abrusimim birua.

Ramu NiCo i save makim Sefti Wik long 6 i go inap 11 Mas. Ol arapela main long kantri tu i save makim dispela bikpela de.



Helt, Sefti na Envairomen Opisa, Alex Kambual na wanwok bilong em bilong Saina, Mista Jia i putim ol sefti posta long banis long KBK Main Opis.



Haiwe i bagarap... Poto: Loutova Siapea.

Didiman toktok

Profesa John Warren - Vais Sansela, PNG Yunivesiti bilong Nesurel Risos na Envairomen i raitim



Ol mak bilong Balsa diwai i gro

BALSA em wanpela gutpela diwai ol fama long ENBP i ken planim long kisim mani bihain taim ol i salim long kampani. Fama bai no gat gutpela wok bilong balsa, em bilong planim, katim na salim go ovasis maket tasol.

Husat fama i tinGting long planim balsa em mas save pastaim long wei balsa i save gro stat long taim em stap liklik i go inap em i kamap bikpela. Balsa em diwai we i save gro hariap stret, insait long 5 o 6 yia em bai redi long katim na kamapim kain kain diwai prodak.

Balsa – mak bilong gro

Balsa save karim plawa na sit i save kamap insait lo sit-pod bihain long bilak bokis i maritim plawa. Bai groim balsa insait long neseri long plastik bek na gutpela long baim gutpela sit i kamap long neseri na no ken kisim sit nabaut long bus. Bihain long planim pinis, yu mas lukaut long gras i no ken gro arere long en na bai yu lukim balsa i gro hariap. bBhain long 5 o 6-pela yia em bai gro long-pela klostu long 35 mita. Bikos balsa gat ol bikpela lip, em bai blokim san lait go aninit namel long 6 na 12 pela mun.

Balsa i groim han

Ol mani we fama i save kisim long groim balsa em i save kam long ol planti namel bilong diwai we em i salim. Namel bilong diwai i bagarap olsem na i gat liklik diwai tasol na dispela i mekim fama i lusim mani. Dispela inap kamap bikos ol han i gro antap long namel bilong diwai. Wanpela fama inap long katim ol han bilong diwai olsem long katim kru bilong jorquette. Makim han bilong jorquette we bai inap long kamap olsem wanpela kru na rausim ol kru bilong narapela han tu long em i no ken gro hariap. Bihain katim sot ol dispela han bilong diwai.

Bihain long katim diwai na salim

Ol pipia i kamaut bihain long katim i mas lusim i stap long graun bikos dispela i ken givim gris i go bek long graun. Hipim ol bikpela pipia bihainim balsa lain long mekim isi long i go i kam.

Long kisim moa stori: Lukim: www.pip.com.pg long kopi bilong toktok pepa.

Kontekim: ACIAR Projek Opisa, Jaupo Minimulu long 7251 2787 o Integrated Agriculture Training Program, Papua Niugini Yunivesiti bilong Nesurel Risos na Evairomen long telepon: (675) 983 9736.

Klaimet senis i senisim rot wok

Loutova Siapea i raitim

KLAIMET senis (climate change) i wok long kamapim planti ren long olgeta hap bilong PNG. Dispela i mekim na planti hevi na bagarap tu i wok long kamap. Long bikpela Okuk Hailans Haiwe stat long 9 Mail long Lae, Morobe provins na i go antap long 7-pela provins long Hailans Rijon, rot i wok long bruk nabaut na i kamapim

planti hevi long ol kar. Poto antap i soim ol bikpela trak i traim long ran antap long rot i wok long bruk long wanpela seksen bilong Kassam Pas long lsten Hailans. Dispela rot i save givim sevis nas sevim ol pipel bilong Hailans na Momase rijon. Sapos dispela rot i bruk i go hap hap, olgeta operesen bai stop tu, na dispela bai daunim stret ol bisnis na ol publik long tripela rijon.

2017 NRL Dro bilong raun namba 2

Det	Hom	Awe	Pilai Graun	TV	Taim
Fonde, Mas 9			Allianz Stediam	Nine, Fox	8:05 pm
Fraide, Mas 10			Mt Smart Stediam	Fox	6:00 pm
Fraide, Mas 10			Suncorp Stediam	Nine, Fox	8:05 pm
Sarere, Mas 11			McDonald Jones Stediam	Fox	3:00 pm
Sarere, Mas 11			Brookvale Oval	Fox	5:30 pm
Sarere, Mas 11			GIO Stediam	Fox	7:30 pm
Sande, Mas 12			Campbelltown Stediam	Nine, Fox	4:00 pm
Sande, Mas 12			WIN Stediam	Fox	6:30 pm

2017 NRL Lata | TELSTRA PREMIASIP

Posisen	Tim	P	W	L	D	B	F	A	+/-	Pts
1		1	1	0	0	0	42	10	32	2
2		1	1	0	0	0	34	18	16	2
3		1	1	0	0	0	32	18	14	2
4		1	1	0	0	0	20	12	8	2
5		1	1	0	0	0	26	18	8	2
6		1	1	0	0	0	12	6	6	2
7		1	1	0	0	0	20	16	4	2
8		1	1	0	0	0	26	22	4	2
9		1	0	1	0	0	22	26	-4	0
10		1	0	1	0	0	16	20	-4	0
11		1	0	1	0	0	6	12	-6	0
12		1	0	1	0	0	18	26	-8	0
13		1	0	1	0	0	12	20	-8	0
14		1	0	1	0	0	18	32	-14	0
15		1	0	1	0	0	18	34	-16	0
16		1	0	1	0	0	10	42	-32	0

Taupau na Addin bai malolo long tupela gem

PROP bilong Sea Eagles, Martin Taupau na Addin Fonua-Blake, bai no inap pilai tupela gem bikos ol rivi komiti bilong NRL resis i lukim tupela i bin givim solda sas long birua pilaia bilong tupela long raun namba wan resis we ol i lus egensim ol Parramatta Eels long las wik Sande apinun.

Ol i sasim Taupau long em i bin givim solda sas long Suaia Matagi bilong ol Eels long namba 13 minit.

Fonua-Blake tu i bin mekim wankain asua na em bai no inap long pilai gem. Sapos em i no strongim em yet long taim bilong NRL i lukluk long ol lo bai lukim olsem em bai no inap pilai tripela gem.



Martin Taupau bai no inap pilai tupela gem bikos em i bin givim solda sas long birua pilaia, Suaia Matagi.

Barrett i no amamas long planti asua i kamap

KOSA bilong Manly Sea Eagles, Trent Barrett, i no amamas long planti asua i kamap long tim bilong em, tasol em i amams long ol pilaia bilong em i strongim banis bilong ol.

“Dispela em i Raun 1 bilong dispela sisen na mi ting olsem banis bilong mipela i kamap orait, tasol planti asua i kamap long sait bilong mipela na mipela i lus long dispela gem,” Barrett i tok.

“Sapos tim i skelim ol posisen, strongim banis bilong ol yet na lukluk long asua bilong ol na stretim ol dispela asua i kamap, i luk olsem mipela bai winim planti gem.”



Ol Manly Sea Eagles i no win long Raun 1 na ol pilaia i no amamas.

Warriors egensim Knights



WARRIORS na Knights i statim 2017 sisen bilong ol we resis i kamap strong na i lukim 10-pela pilai bilong tupela tim i pilai gut.

Resis i bin kamap long Sande long Mt. Smart we ol i painim aut olsem Roger Tuivasa-Sheck bilong ol Warrior i soim kala bilong em gut egensim ol Knights.

Solomon Kata i amamasim ol Nu Silan wantaim tupela trai we namba tu trai bilong em i bin kamap long 32 minit bilong resis taim.

David Fusitu'a, Tuimoala Lolohea na Shaun Johnson bilong Warrior i soim kala bilong ol long putim trai.

Johnson i kisim tinging bilong ol komenteta taim pilai bilong em i kamap narapela kain tru.

Ol pilaia bilong Newcastle husat i pilai gut em Ryan Hoffman, Trent Hodkinson, Nathan Ross, Mitch Barrett na Peter Mata'utia.

Shaun Johnson bilong ol Warrior i soim gut kala bilong em long Raun 1 bilong 2017 NRL resis.



RAMU NiCo Menesmen (MCC) long stat bilong dispela wik i amamasim Nesenel Maining Sefti Wik bilong en wantaim kain kain ol sefti program.

Tripela wok eria bilong en long Madang em long Kurumbukari Main, Basamuk Rifaineri na Madang Bes i kamapim ol kain kain ol program bilong ol yet long luksave long NMSW.

NMSW i save kamap olgeta yia long insait ol maining kampani long PNG. Sif Inspekta ov Mains Sekretariat bilong Mineral Risoses Atoriti (MRA) i putim kamap we olgeta maining projek long kantri i mas luksave long en long promotim pasin na kalsa bilong sefti long wok ples bilong ol.

Long tupela wok eria long KBK Main na Basamuk Rifaineri i kamapim ol program bihainim ol het-tok bilong sefti. Ol sampela pro-

gram long tupela wok sait i karamapim olsem program olsem sefti posta kompetisen, ol skul sumatin i go lukluk raun long projek eria, skils test long mobail ikwipmen, imejeni rispons demonstresen na ol arapela samting tu em jenda smat sefti (GSS) we ol woklain long lukluk na glasim sefti long kain kain rot. I gat ol kompetisen tu i bin kamap we bai lukim husat lain i win bai kisim prais long pinis bilong wik.

Ramu NiCo (MCC) i amamasim NMSW bilong em wantaim ol skul sumatin na lokal komyuniti klostu long Projek.

Sefti wik bilong Ramu NiCo i bin stat long Mande, Mas 6 long dispela wik na i lukim ol kain kain program long luksave long pasin na kalsa bilong sefti i bin kamap.

Stat bilong Ramu NiCo Sefti wik i bin kamap wan-

Ramu NiCo amamasim Sefti Wik wantaim ol skul sumatin na komyuniti

taim bikpela menesmen miting we ol menesa bilong Kampani i bin sindaun long wanpela vidio konpres long autim tingting bilong ol long sait long luksave long sefti olsem namba wan samting long wok ples.

Vais Presiden bilong Ramu NiCo (MCC), Hu Zhiliang i bin opim NMSW bilong Kampani wantaim strongpela salens i go long olgeta wokman na menesmen olsem olgeta mas putim moa tingting na luksave long sait long risk menesmen na wok go het

long kamapim gutpela pasin na kalsa long sait long sefti.

KBK Mains Jeneral Menesa, Sarimu Kanu i givim strongpela toktok long luksave Kampani mas givim long sait long fomal helt program.

Mista Kanu i tok olsem insait long las sikispela mun PNG maining indastri i lukim foapela dai i bin kamap long sait long helt bilong ol wokman, olsem na em i givim tingting olsem moa fomal helt program long sait long fisikol na mental helt bilong ol maining wokman mas

kamap.

Em i laikim olsem Kampani mas kamapim dispela kain ol program na no ken lukim kain ol hevi olsem i kamap.

Basamuk Rifaineri bilong Ramu NiCo (MCC) long Raikos i givim planti taim bilong en long promotim NMSW long wok eria na tu autsait long komyuniti klostu long en.

Insait long Basamuk Rifaineri yet, em het-tok ol wok man i lukluk moa long en long promotim NMSW

em long 'Proses Sefti'.

Long Basamuk Rifaineri na KBK Main i bin gat ol skul sumatin i stap insait long program bilong makim NMSW.

Long Basamuk Rifaineri, invitesin i bin go long Gawar praimer skul sumatin long go raun lukim proses plent. Na antap long KBK ol opisa bilong CA wantaim HSE na Vais Presiden, Mista Hu i bin go stap na amamas wantaim ol sumatin na serim ol presen na toktok long sait long sefti wik.




Vais Presiden bilong Ramu NiCo, Hu Zhiliang i amamas wantaim ol sumatin bilong Emmanuel Christian Academ Skul long Enikuwai long Kurumbukari maunten, Usino-Bundi distrik.



Sumatin bilong Gawar praimer skul arere long bikpela bas bilong Ramu NiCo long Basamuk Rifaineri.



Tupela Ramu NiCo wokman em Komyuniti Afes supavaisa, Nicholas Genaia wantaim ERT Suptintenden, Venancius Sapak i givim presen long ol liklik pikinini long Tugyak viles long Tunde.



Albert na Wera i joinim SP Hunters

VAIS kepten, Wellington Albert, na Adex Wera i joinim 20 man skwat bilong PNG SP Hunters na bai pilai egensim ol Easts Tigers long dispela wiken.

Raun namba tu resis bilong ol SP Hunters bai kamap long asples bilong ol. Resis bai kamap Sande apinun long Nesenel Futbol Stadium, Pot Mosbi.

Dispela em i namba wan

taim bilong Wellington long pilai wantaim ol Hunters bihain long em i kisim ples bilong Ismael Balkawa.

Asisten kosa bilong SP Hunters, Nigel Hukula, i bin mekim sampela liklik senis na makim Albert na Wera long 20 man skwat bilong raun namba 2 resis.

Ol i bin lusim Wera long raun namba wan bikos em i gat sampela liklik asua long

visa bilong em.

Hukula i strongim ol pilaia bilong em long strongim banis bilong ol gut long namba tu raun bilong Intras Supa Kap resis.

Ol Easts Tigers bai kam long kantri long Sarere.

Ol 20 man skwat em;

- 1 Bland Abavu
- 2 Butler Morris
- 3 Adex Wera
- 4 Willie Minoga
- 5 William Aquila
- 6 Israel Eliab
- 7 Ase Boas
- 8 Henry Wan
- 9 Sailas Gahuna
- 10 Esau Siune
- 11 Nixon Put
- 12 David Loko
- 13 Stanton Albert
- 14 Lawrence Tu'u
- 15 Wellington Albert
- 16 Enoch Maki
- 17 Moses Meninga
- 18 Karo Kauna Jr
- 19 Ismael Balkawa
- 20 Watson Boas



Wellington Albert.



Adex Wera.

Dwellers i winim traime resis

LAE City Dwellers i statim gut resis bilong ol na i go insait long Osenia Futbol Konfederet Sempionsip Lig bihain long ol i winim tupela traime resis bilong ol long Fiji.

Ol Dwellers i pait strong long namba wan win bilong ol long las wik Fraide we ol i bin daunim ol Suva FC, 3-2. Obert Baki i bin putim wanpela gol na Emmanuel

Simon i bin putim tupela gol. Namba tu traime resis bilong ol egensim Fiji nesnel tim long Ba Futbol Ekademi em i narapela strongpela pait i kamap long Mande we ol Dwellers i win, 4-3 poin.

Obert Baki i putim tupela gol, Raymond Gunemba i putim wanpela gol na Japhet Tiampo i putim i putim wanpela gol.

Dwellers i kamap wina

long Nesenel Soka Lig resis long 2016 i stap long grup C wantaim Malampa Revivors bilong Vanuatu, Western United bilong Solomon Ailan na Auckland City bilong Nu Silan.

Namba wan resis bilong ol long Sempions Lig em ol bai salensim Malampa Revivors bilong Vanuatu long Sarere long Mangere Senta Pak long Nu Silan.

Trukai Fan Ran oksen bai kamap tude



OKSEN bilong Trukai Fan Ran T-siot long Pot Mosbi bai kamap tude long Royal Papua Yatch Klap bihain long oksen long Lae i kamap asde long Lae Yatch Klap.

Trukai Industries i laikim ol kopret, praivet na Gavman ogenaisesen long stap wantaim long oksen na baim siot bilong ol lokal skul.

Trukai i lukluk long salim 100,000 T-siot. Ol i bin salim 20,000 T-siot long Pot Mosbi na 17,000 long Lae long las yia.

Ol hap bilong PNG husat i stap long Fan Ran long yia i go em Pot Mosbi, Lae, Gusap, Milne Bay, Popondetta, Madang, Goroka, Mt. Hagen, Kokopo, Kimbe, Bialla, Kavieng, Lihir, Buka, Arawa na Buin.

Trukai Fan Ran T-Siot bilong 2017.

PNG etlit bai go long Alabama



Rellie Kaputin i resis long hai jam.

FOAPELA etlit bilong Papua Niugini husat i save stap long USA bai go long Birmingham Alabama long dispela wiken.

Ol bai resis long NCAA Divisen Tu Nesenel Indo Trek na Fil Sempionsip resis.

Ol Etlit em Rellie Kaputin bai makim West Texas A&M Yunivesiti. Em bai resis long hai jam, long jam na tripol jam.

Afure Adah i gat 20 krismas bai makim Minnesota State Yunivesiti Mankato. Em bai ran long 200 mita resis.

Adrine Monagi na Peniel Richard bai makim Angelo State Yunivesiti long dispela sempionsip resis. Monagi bai resis long 5-pela iven em 60 mita hadel, hai jam, sot put, long jam na 800 mita ran.

Peniel Richard bai resis long tripol jam.



Afure Adam i ran long namel.



Adrine Monagi.



Peniel Richard.

Tarangau na Flies i winim MRDC 9s kap

Philemon Tame i raitim
MINERAL Risos Developmen Kampani (MRDC) ragbi supa 9s gren fainal i bin kamap long Mosbi long las wiken i lukim man na meri wantaim i resis long bowl, plet na kap.
 Ol i bin givim tropi long referi husat i lukautim resis gut na pilaia husat i pilai gut long taim bilong givim ol prais.
 Resis bilong ol man i kamap namel long ol Royals na Tarangau we ol Tarangau i daunim pl Royals wantaim

20-16 poin.
 Hohola Flies kliaim rot bilong ol na daunim ol Royals, 14-8, long winim kap gren fainal resis bilong ol meri long Nesenel Futbol Stediam long las wik Sande apinun.
 Long ai bilong planti sapota, ekspiriens pilaia bilong ol Hohola, Cathy Neap na Helen Abau, i putim tupela trai i bringim ol i go bungim taim bilong malolo. Hap taim skoa i sanap olsem, ol Flies i stap pas wantaim 10-4 poin.
 Long stat bilong namba tu

hap bilong resis, Abau i putim namba tu trai bilong em i bringim skoa i go antap long 14-4 bihain long konvesen i no go insait.
 Ol Royals i bin taitim bun long bekim trai bilong ol we Naomi Kaupa i putim namba tu trai bilong ol Royals, tasol konvesen i no bin go insait.
 Ol gel long Hohola i strongim banis bilong ol taim skoa i sanap olsem 14-8 inap long belo bilong pinis taim i krai i pinisim 2017 MRDC 9s sempion resis bilong ol meri.



Ol pilaia bilong Tim Tarangau i apim tropi bihain long ol i winim MRDC ragbi supa 9s long las wik Sande. Tarangau i daunim ol Royals, 20-16.



Pilaia bilong Hohola Flies i abrusim tupela birua pilaia bilong em. Flies i daunim ol Royals, 14-8. Poto; Nicky Bernard.

Hunters i opim sisen wantaim 22-16 win



Koas bilong PNG SP Hunters, Michael Marum, i givim sampela skul toktok long ol pilaia bilong em.

PNG SP HUNTERS bai resis egensim ol Easts Tigers long asples bilong ol, Nesenel Futbol Stediam long Pot Mosbi long Sande, 12 Mas.

Hunters i stap namba 5 ples long lata bihain long ol i opim 2017 sisen bilong Intras Supa Kap resis wantaim 22-16 win egensim ol Central Queensland Capras long Browne Pak, Australia long las wiken.

Referi i bin givim penelti egensim ol Capra long namba tu minit bilong resis taim i lukim ol Hunters i bin kisim tupela poin bihain long kepten, Ase Boas, i kikim penelti i go insait.

Ken Tofilau bilong asples tim i putim namba wan trai egensim ol PNG, tasol ol Hunters i bin bekim trai bilong ol long namba 16 minit bilong resis bihain long Willie Minoga i abrusim tripela birua pilaia na salim bal i go long Boas long

putim trai.
 Ol Hunters i putim narapela trai gen na bringim skoa i go antap, 12-4, bihain long Boas i kikim konvesen i go insait.

Long namba tri minit bihain long hap taim, ol Hunters i skruim skoa i go antap long 16-4, bihain long Boas i abrusim Tofilau na kikim bal i go long trai lain bilong ol Capras na William Aquila i putim trai.

Ol Capras i putim tripela trai we olgeta konvesen kik i no go insait na ol i bungim skoa bilong ol Hunters, 16-16.

Boas i putim ol Hunters i go pas gen, 18-16, long 69 minit wantaim wanpela konvesen kik bihain long referi i bin givim wanpela penelti egensim ol Capras.

Minoga i strongim win bilong ol Hunters wantaim las trai bilong ol long 78 minit.

Gahekave i soim kala long wiken

PORO Gahekave i joinim ol South Plains Kolis na resis long Nesenel Junia Kolis Indo trek na fil sempionsip long Pittsburg, Kansas.

Poro i gat 23 krismas i save resis long midol na long distens i ran long 5-pela resis insait long tupela de.

Em i painim isi long resis bikos em i bin trening hat bipo long resis i kamap. Em i bin resis long medli riley long Sarere (PNG taim) na tim bilong em i kamap namba tri ples.
 South Plains tim i win long 4*800

mita riley bihain long Poro i resis long en na em i brukim rekot bilong skul.

Presiden bilong Etletik PNG (APNG), Tony Green, i tok, "Poro i resis long dispela level bai givim em strong long ol autdo sisen."

Long wankain taim, Robson Yinanambe i makim Cloud County na soim gut kala bilong em long Heptathlon na em i mekim gut long dispela yia.

Wankain tasol, planti ol etlit bilong PNG i mekim gut long ol wan resis bilong ol.



PUBLIC NOTICE

National Employer Conference

This is an open invitation to all employers contributing to Nambawan Super from both the Private and Public sectors. An employer's conference will be on:

Conference Details

Date: **Friday 24th March 2017**
 Venue: **Holiday Inn**
 Time: **9:00 am – 4:00pm**

Conference Topics

- Session 1: Fund's Highlights & New Initiatives
- Session 2: Employer's Roles & Responsibilities (contributions)
- Session 3: 2017 Investment Outlook and Property Highlights
- Session 4: Highlights of the 2016 Financial Performance
- Session 5: Highlights of Savings & Loans

Invitation is also open to employers not contributing towards any superannuation fund and want to know more about Nambawan super Ltd.

Please confirm your attendance via the following officers:

Julie Hau Mai - Ph: 1599 Email: jmai@nambawansuper.com.pg
 Marjorie Kwanga - Ph: 1599 Email: mkwanga@nambawansuper.com.pg

Authorised by the Acting CEO of Nambawan Super Ltd, Mr. Vere Arava

WE CARE FOR YOUR FUTURE!



Tim bilong ol meri Bears, long Mosbi.



Tim Mungkas bilong Pot Mosbi.



Pri Sisen ragbi yunien eksen long Bava Park.



Pri Sisen soka eksen namel long Mungkas na Yamaros meri long PMSA.



MRDC 9s semi fainol namel long Paga Penters na Flais.



Oi bol boi bilong MRDC 9s ragbi wantaim yunifom bilong ol.




MRDC 9s ragbi eksen namel long Dobo na West.

Oi poto: Nicky Bernard



Oi olpela PNG Kumuls pilaia i sanap long NFS we bipo ol save pilai long en taim PRL graun bin stap yet. Wagambi, Wesley, Boge na nau presiden bilong Pot Mosbi Ragbi Lig Dokta Naipau.



WHITE TUNA FLAKES
DIANA White



WHITE TUNA
insait
K 2.20



Tasty and Flavourful White Tuna for Everyone!

Manufactured by:
RD Tuna Cannery Ltd.

Mungkas man kisim bek strong

POT Mosbi Soka Asosiesen i go insait nau long namba faiv wik bilong Pri Sisen na planti tim i wok long kisim strong bilong ol i kam bek bihain long PMSA i bin stopim pilai soka klostu long tupela yia olgeta.

Planti tim i wok long pilai long op sisen taim PMSA i bin pasim pilai long wanem bikpela ol gem i wok long kamap insait long PNG. Na tu PMSA i wok long painim hap long holim ol gem bilong ol long 2015 na 2016.

Wanpela tim nau i wok long strong long dispela pri sisen em Mungkas. Dispela tim i stap long fom stret na em i wok long winim olgeta gem bilong em long pri sisen.

Mungkas i topim pul bilong ol na dispela wiken ol bai pilai long strongim ol long stap antap long lata bipo long ol fainal gem i kamap.

Mungkas tim bilong ol man i no stap nating long dispela tupela yia PMSA i no ranim kompetisen, nogat. Olgeta boi i bin stap wantaim na pilai wantaim ol narapela tim long mekim strong yet long pilai soka. Ol bin go long Bogenvil na pilai sampela gem long hap na bihain kam bek long Mosbi.

Mungkas tim bilong ol man i save win long bikpela skoa taim ol i salensim ol narapela tim long pri sisen long Bisini soka graun.

Moa long 30 tim bilong ol man na meri i bin stap insait long pri sisen resis bilong PMSA. Na dispela wik bai seken las pilai bilong ol bipo ol go insait long pri sisen fainal long wiken antap.

Mungkas tim 1 bilong ol man redi long go insait long pilai graun. Poto Nicky Bernard.






PMV

DIESEL OIL

PMV OIL BILONG YUMI



BOROKO MOTORS	
PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552